




6
20-d
2



20.2-2-



M

P. Hieronymo Sagomaxinô S. J.

L U D I
RHETORICI, ET POETICI
IN ACADEMIA
CERVARIENSI IPSIUS DECRETO ACTI
AB ADOLESCENTIBUS
LINGUÆ LATINÆ, GRÆCÆQUE
STUDIOSIS,

'A. D. CAL. NOV. ANN. MDCCLVI,

PARATI

A BARTHOLOMÆO POU,

SOC. JES. SACERDOTE,


UTRIUSQUE LINGUÆ

ACADEMICO PROFESSORE,

CERVARIÆ LACETANORUM

Ex Officinâ Pontificii, & Regii Gymnasij
excudebat EMMANUEL IBARRA.







AD SPECTATORES

DE TOTA LUDORUM RATIONE



BARTHOLOMÆUS POU, SOC. J. SACERDOS.



Ostquam in animum meum induxi Ludos Latinos, Græcosque, qui toti ad humanitatem pertinerent, Sapientissimæ Academiæ apparare; quamvis sæpe numero Academicorum Cervariensium judicio, quod in spectandis Ludis de me, meisque Discipulis gravissimum facturi essent, commoverer: sæpius tamen illorum æquitate, atque humanitate omnibus satis spectatâ recreabar. Videbam enim, me industriæ meæ Spectatores eos habiturum, à quibus, si quid in Ludis stetisset, recte ac sapienter applaudi posset: sin autem minus dignum aliquid gravissimo ipsorum concilio allatum esset, sperabam, ipsos, cum humanissimi essent, id vel Adolescentibus nostris, vel nobis etiam facile condonatu-
2

A 2

cun-

(a) Quinçtilianus lib I. cap III. Illud ingeniorum velut præcox genus non temerè unquam pervenit ad frugem.



cundum Cervarienses Academici haberent; Ludorum veto exitum, si minus ex sententiâ cecidisset, non iniquo animo paterentur; atque illius rei veniam eò nobis facilius tribuerent, quò difficilius esset aliquid afferri summæ illorum sapientiæ, eruditioni, judicio, eloquentiæque aptum atque consentaneum.

Et verò Auditores nostri Ludorum suorum spectatione commoti, cum optime perspicerent, se apud eruditissimos viros ingenii, & doctrinæ periculum esse subituros, tantam adhibuere contentionem, ut ego potius admirator illorum diligentiae fuerim, quam hortator. Quod si in nobis tanta eruditionis copia, tamque exquisita docendi ratio fuisset, quantus erat illorum impetus ad eloquentiæ laudem, quamque alacris discendi cura; nã illi sese Academiæ sisterent si minus ipsius admiratione, at certe conspectu dignissimi. Ergo nos quoque ipsi, vel studio, exemploque Discipulorum nostrorum admoniti, quantum in nobis situm fuit, & non indignos tantâ Academiæ Cervariensis eruditione, atque humanitate Ludos parare conabamur; & in iisdem ex Academico decreto indicendis novam quasi formulam, minimeque vulgarem adhibuimus.

Itaque simul quid in his Ludis profiteantur nostri Auditores, sese præstatueros; simul, quam rationem exercendæ ad hos Ludos juventutis servaverimus, paulo copiosius, ac plenius, quàm ut communis ferat consuetudo, exponemus: siquidem prius de iis dixerimus, quæ ad *Actionem*, & *Spectaculum* meditata, ac cogitata afferant Adolescentes. Nos equidem cum in Academia Cervariensi scenam futuram esse videremus, ea Academicis Doctoribus edenda paravimus, quæ maximè essent cum ipsorum laude, gloriæque conjuncta: in quo nihil veremur, ne æquis rerum æstimatoribus videamur, plus Academicorum voluntati, quam veritati, ipsorumque merito tribuisse. Quare in ipso aditu Ludorum
cam

eam; placuit, orationem haberi, quæ de retinendâ Eloquentiæ Gloria potius, quàm de recuperandâ (quod frequens Hispanienſium Criticorum argumentum eſſe video,) apud Cervarienſes Academicos ageret: quippe apud quos florentiſſimam dicendi artem conſpicerem.

Jam verò, cum ipſa Academia una præter cæteras externorum Scriptorum ſeu criminationes, ſeu veriùs calumnias, quod ad doctrinam Hiſpanorum pertinet, ſapientiâ, atque eruditione ſuâ refutaſſet; latinam Tragœdiam conſcripſimus; quod fabulæ genus aut ingratum, aut incognitum Hiſpanis, confidenter exterarum gentium Scriptores pronuntiant. (b) Fabula autem ipſa, ut tota noſtris rebus propria ſit, *Hiſpania Capta* eſt. In quâ nos religione officii, profeſſionisque noſtræ adducti, ſacram, ut ita loquar, ac religioſam poeſeos formam ſecuti ſumus; ne quis eo nomine nos in jus vocandos exiſtimet, quod & *juſtitiam Divinam*, & *Angelum Patronum Hiſpaniæ* in ſcenam produxerimus: quod ipſum cum ab illuſterioribus poetis eſt factitatum; tum verò in Actione noſtrâ ſatis Hiſtoricæ veritati proximum, ac conſentaneum. Præterea cum Cervariæ multos viderem, qui Græcè ſcirent, plures etiam, qui Græcanicæ linguæ operam, ſtudiumque ſuum navarent; optimum factu judicavi, ſi Græcam Orationem in Ludis habendam curarem, quæ in perſequendâ neceſſitate, atque honeſtate Linguæ Græcanicæ tota verſaretur. In eo autem ſatis ſignificavit Academia, quantopere ſtudium Litterarum Græcarum ſibi placeret, cum tenuem, nec ſcriptione magnopere dignam orationem, publici juris faciendam decrevit.

At-

(b) Auctor Theatri Hiſpanici, editi Pariſiis anno M.D.CC. XXXVIII. diſertis verbis detrahit Hiſpanis Tragœdiam. Quam notam diluit V. C. D. Auguſtinus de Montiano *Diſſertatione I. de Hiſpanicis Tragædiis.*

Atque hæc quidem sunt, quæ per Auditores nostros, cogitata prius, ac elaborata gravitati Spectatorum danda judicavimus. Ad institutionem vero atque exercitationem Auditorum quod attinet, primum quidem omnium Academicas leges secuti, totam illorum eruditionem ab accuratâ Scriptorum antiquorum lectione petendam arbitrabamur: ne quis fortè miretur, nullum relictâ Latinitatis, ac ne optimum quidem inter juniores Scriptorem in Ludis esse productum. Quò verò uberiores fructum in animis Adolescentum ea lectio pareret, id dedimus operam, quàm potuimus diligentissimam: primum ut Auditores nostri *Antiquitatis Cognitionem* compararent; deinde ut *Sensa Scriptorum* penitus perciperent; postremò ut frequenti, multiplicique *Scriptione* sese exercerent: quibus quidem rebus, atque officiis positam, ac definitam puerilem informationem censuimus; eam maxime, quæ locum in Scholis publicis habere possit. De quâ informatione juventutis mira præcipiunt, nullo usu, atque experientiâ edocti *Novarum μετέδωκεν* prope quotidiani Scriptores.

Antiquitatis ergo *notitia*, quæ faciem non illustrem minus, quàm necessariam ad scripta priscorum hominum intelligenda accendit, nobis in præcipua quædam capita tributa est. Curæ enim fuit, ut Auditores nostri in animis informata illa, atque anticipata haberent: I. quæ magis antiquis usitata fuerit temporum supputandorum ratio: II. quæ vetusta orbis descriptio: III. quæ celebriora apud antiquos, orientis maximè, imperia: IV. quæ rei militaris, Romanæ potissimum, forma, atque disciplina: V. quæ Reipublicæ Romanæ, ipsiusque Magistratuum πολιτεία: VI. quænam, quàmque variæ priscorum Philosophorum sectæ: VII. quæ Poetarum genera, ipsisque familiarior μυθολογία: VIII. quæ vita, quæ virtutes, vitiave stili eorum Scriptorum, qui fuerint Hispanicè vertendi. Atque harum rerum omnium

rationem reddent Auditores nostri ita , uti quam quisque antiquitatis notitiam Scriptor maximè requirat, eam interpretationi ipsius maxime prævertant. Quâ in parte nulli dubitamus, quin eisdem simus habituri fautores, quos antiquitas nacta est amatores , quibus probari labores nostros, mirum quantum percipimus.

Jam vero *classicorum Auctorum* intima, exquisitaque *perceptio*, ut non magis ad instituendam juventutem sit necessaria, quàm antiquitatis scientia; tamen uberiores fructus asferre solet : quippe cum illa sit totius humanitatis fons longe omnium copiosissimus. Et verò ad illam quò facilior aditus Adolescentibus pateret , non omnes veluti uno agmine antiquos Scriptores ipsis objecimus , sed in quatuor quasi ordines ac classes commodius divisos produximus. In primo ordine PHAEDRUM, COR. NEPOTEM, PUB. SYRUM, EUTROPIUM , ac COELIUM SYMPOSIUM collocavimus: Scriptores cum fermè castigatâ Latinitate, tum maxime simplici, ac nativo orationis genere usos; quos si quando durius , aut non ita latinè locutos, deprehendimus; dedimus operam, ne quid inde Auditorum stilus detrimenti caperet. Ad alterum verò ordinem plures CICERONIS *Libellos* revocavimus: ex *Familiaribus Selectiores Epistolas, Questiones Tusculanas, Paradoxa, Somnium Scipionis, de Senectute, de Amicitia, de Officiis*. Ciceroni adjunximus CÆSAREM, ac TERENCEM : quibus Magistris non puritatem modo , sed splendorem , venustatem , elegantiam , ac nitorem Adolescentes addiscerent.

In tertium autem ordinem veluti patritios majorum gentium Scriptores legimus , qui grandi, ac vario orationis genere stili & majestatem , & varietatem juvenes nostros edocerent. In his censuimus M. T. CICERONEM, ex cuius *Delectis Orationibus* divitias stili Asiatici sibi Auditores accumularent ; TITUM LIVIUM grandioris cothurni Hi-

sto-

storicum ; C. SALLUSTIUM atticâ brevitate insignem, Q. CURTIUM floridâ dictione amœnissimum ; CORN-
TACITUM acumine orationis, ac gravitate severum. Ne-
que vero in hoc tanquam Senatu doctorum hominum le-
gendo præteritos volumus PATERCULUM, SUETO-
NIUM, JUSTINUM, FLORUM, ac PLINIUM in Pa-
negyrico: majora enim sunt illorum merita in Rempubli-
cam litterariam, quàm quibus inter Senatores, saltem pe-
diarios, jure locum negaremus. In ultimum tandem ordi-
nem, non ultimos censu tamen, Poetas adduximus, qui
cum plurimum ad erudiendam juventutem conferant; tum
verò id ita prudenter jucundèque efficiunt; ut persæpe uti-
le dulci admisceant. Eorum adco omnia fermè genera per-
secuti sumus: in Epicis quidem divinum illum VIRGI-
LIUM, in Lyricis HORATIUM, in Elegiacis OVIDIUM,
in Satyricis eundem HORATIUM, PERSIUM, ac JUVE-
NALEM, in Comicis TERENCEM, in Tragicis SENE-
CAM, in Epigrammaticis MARTIALEM. LUCRE-
TIUM autem an poetam, an philosophum propter purissi-
mam dictionem adjecimus. Ne verò in eâ profanorum ho-
minum assiduâ consuetudine juvenum mores periclitaren-
tur; id à nobis cautum est, ne illorum scripta nisi perpur-
gata, atque correctâ Auditores nostri contingerent.

Sed, quoniam juventutem nostram, pro eo ac debuimus,
ad omnes partes humanitatis informatam cupiebamus, ab
ipso Latio ad Græciam totius doctrinæ, artisque parentem
perduximus: in qua etsi diutius non licuit commorari; tã-
men & ibi Linguae Græcæ rudimenta posuerunt Adolēscen-
tes, & nos ea Græcorum hominum scripta, quæ faciliorem
haberent cognitionem prælegimus: ut AESOPI Fabulas, ut
LUCIANI nonnullos Dialogos, ut ISOCRATIS, CHRYSO-
SOSTOMI, BASILII Selectas Orationes, ut ANTONINI
LIBERALIS Metamorphoses, ut HOMERI denique Ba-
tra-

trachomyomachiam. Ex quibus vel Latinis, vel Græcis Scriptoribus quem fructum ceperint Auditores, cujusvis sit experiri; nostrum quidem certe non est prædicare.

In *Scriptione* demum omnes diligentiae nostræ nervos intendimus, ut Auditores normam latinæ exercitationis optimam sequerentur, vitiosam fugerent. Quâ in parte collatis eloquentissimorum Scriptorum calculis illud statui-
mus, ut Adolescentes ita sese in imitatione antiquorum Auctorum exercerent, ut ab iis ne latum quidem unguem discederent. (c) Quod si Litteratores, nescio quibus ex angulis tenebrisque, ad illam amussim pensa Discipulorum suorum exigent, nihil causæ unquam esset, cur sordes orationis exteri nostris hominibus exprobrarent, atque ob-
icerent. Sed longam de hac re orationem, quam non invi-
ti aggredieremur, res ipsa non patitur.

Ergo, ut ad propositam orationem revertamur, per omnes *Prolusionum* exercitationes Discipulos conduximus, dum eos in *Fabula*, *Narratione*, *Cbria*, *Sententia*, *Tbese*, *Loco communi*, *Etbopeiâ*, *Confirmatione*, *Confutatione*, *Laude*, ac tandem *Vituperatione* commentationibus quotidianis exco-
lebamus. Illi etiam variis orationum generibus scriptitan-
dis propius ad oratoris gloriam in dies singulos contende-
bant. Quod si quis etiam in hac parte periculum facere
volet, eæ orationes hujusmodi erant, *Genethliacn*, *Epithala-*
mium, *Epimicion*, *Eucharistica*, *Paranymphaea*, *Funebris*. Ne-
que vero illud passi sumus, ut artem variam epistolæ con-
scribendæ Discipuli ignorarent, (d) cum id temporis fer-
me una illa palma relicta sit, ad quam obtinendam latinæ

B

clo-

(c) In *Scriptione* eam maxime rationem probavimus, quam P. Juvencius tradidit *lib. I. cap. I. art. II. §§. III. & IV. In Rat. Disf. & Doc* cui proximam tradidit Abbas Pulche in *Spettaculo Naturæ in Litteris de Pueritia instituenda. Tom. XI. Hispanica Interpretationis.*

(d) M. Ant. Muretus *Volum. II. Orationum. Orat. XXI.*

eloquentiæ studiosi possint contendere. Atque hæc superiora argumenta sunt, in quibus solutam orationem exercendam curavimus: carminum vero nulla fuit frequentior ratio, quam assidue non sint Adolescentes meditati; qui non modo in solutâ illâ Scriptiōe, sed in *Heroicis, Elegiacis, Lyricis, Tragicis*, atque *Epigrammaticis* Carminibus promptam, paratamque operam suam pollicentur.

Jam verò illud spectatoribus nostris diutius debere non possumus, quin dilucide expediamus: qui videlicet scriptiōnis vitia Auditores nostri fugiant, cum ipsis, & eos Auctores ad imitandum proponamus, qui sæculo illo *Aureo* Latinitatis non floruerunt; & extemporalis orationis gloriam tantopere á nonnullis celebratam detrahimus. Primum aperte planeque fatemur, nobis, quam nonnulli patrum nostrorum memoriâ imitationis virtutem esse unicam credebant, si *Aureos* dumtaxat Scriptores contingerent, eam ingeniorum servitutem videri turpissimam; non quod illis Scriptoribus primas Linguae Latinae partes non tribuamus; sed quia alios etiam secundarum, ac tertiæ partium auctores omnino sibilandos, & explodendos non arbitramur. Quâ in re nihil veremur, ne patrono M. A. (e) Mureto causâ cadamus, qui pretium etiam minime vulgare non

(e) M. Ant. Muretus. *lib. XV. Variar. Leſſ. cap. I.* De hac re totâ prudentissimè pronunciat: cujus veluti judicii summa est, ut ad eorum Scriptorum normam, qui ætatis aureæ vocantur, orationem ita effingamus, ut adhibito delectu interdum multa de *Livio, Seneca, Valerio, Celso, Quintiliano, Columella, utroque Plinio, Tacito, Suetonio, Velleio, Q. Curtio, Laſſantio sumamus.* Quin etiam nonnulla probat ex *Tertulliano, Arnobio, Hieronymo, Augustino*, & aliis hujusmodi Scriptoribus desumpta. Quâ in causâ, quod non nemo putavit, minime eâ cautione usus est, ut, si quid sibi non Ciceronianum excidisset, ne culpa-ri propterea posset: qui unus omnium maxime cum Cicerone loq, qui amat, quoties sui imitandi copiam Cicero facit.

non aureis Scriptoribus fecit. Itaque illud secuti sumus, ut in quâ re loquentem Tullium, aut alium è primariis Scriptoribus haberemus, in eâ cum Tullio, aut alio aureæ latinitatis homine loqueremur: quoties verò de re quâpiam principes illi Magistri tacerent, ut citius reliquorum Scriptorum vocibus uteremur, quam ut omnino vel taceremus, vel infinitos verborum ambitus, ac circuitiones adhiberemus.

Deinde quod extemporali oratione Discipulis nostris interdixerimus, adeo vitiosum non arbitramur, ut contra Lucilium priscum Scriptorem idcirco cum (f) Horatio vitiosum dicamus, quod

..... In horâ saepe ducentos

Ut magnum, versus dictabat, stans pede in uno.

Et vero cum ab Auditoribus ad unguem facta thémata exigere deberemus, quid illi rei contrarium magis excogitari poterat, quàm eos præcipientes ad orationem ex tempore fundendam agere? (g) Quasi verò, quæ id temporis tralatitia, ac vulgaris à nonnullis facta est extemporalis facundiæ gloria, ea vel in eruditissimis viris non semper rarissima fuerit. Ut ut sit, nos nihil moramur nec multum, nec ex tempore scribere; sed unum illud, recte scribere, studemus. Hæc in edicendis Ludis dicere habuimus, quæ utrum jure, an injuria dixerimus, res ipsa brevi ostendet; cuius quidem

B 2

cer-

(f) Horat. lib. I. Sat. IV. ex Editione Juvencii.

(g) Videre est eos, qui linguæ latinæ in sermone familiari affueverint, vix, ac ne vix quidem recte loquendi, atque scribendi copiam ac facultatem consequi. Hos acriter castigat Pulche in litteris de Pueritia instituenda, paulo ante à nobis adductis.

certe periculum per nos facere licuerit. Quę enim omnia proposuimus, ea profitentur optimi ac clarissimi Adolescentes

Raphael de Perpiñà.
Franciscus Sanpere.
Raymundus de Urien.
Felix Roca.

Franciscus Olivèr.
Christophorus Cervèrè.
Balthasar Mestre.

Quę vero erunt in Ludis nostris non ita recondita, ac difficilia, in iis periculum sese subituros pollicentur

Marianus de Perpiñà.
Raphael Andreu.
Fidelis Periu.
Hieronymus Brach.

Ludovicus Vallè.
Maximus Rovira.
Petrus Fages.

HISPANIA CAPTA.
TRAGOEDIA.
DATA LUDIS
RHETORICIS,
ET POETICIS
IN ACADEMIA CERVARIENSI ACTIS
AB ADOLESCENTIBUS
LINGUÆ LATINÆ, GRÆCÆQUE
STUDIOSIS.
PARATIS
A BARTHOLOMÆO POU,
SOC. JESU SACERDOTE,
UTRIUSQUE LINGUÆ
ACADEMICO PROFESSORE.

PERSONÆ

JUSTITIA DIVINA.

ANGELUS Hispaniæ Patronus.

JULIANUS Comes Gothus.

TARIFFUS Imperator Arabum.

FLORINDA Juliani Filia , seu *Caia*.

RUDERICUS Hispaniæ Rex.

PELAGIUS Comes Cantabriæ.

ARGUMENTUM TRAGÆDIÆ.

Gothi Hispaniensium rerum potiti cum virtutis omnis, tum
verò Religionis jura perfrugerant. Deus tot, tantisque
sceleribus, ac flagitiis vehementer commotus, ire adversus Go-
thos multa, nec obscura signa ostenderat. Cum ad coercendam
licentiam nihil intentatę minę valuissent, ad pœnas ventum est
denique. Res in hunc modum acta. Julianus inter Gothos suos
Comes, ut stuprum, Florindę filię à Ruderico Hispaniarum Re-
ge illatum, vindicaret; egit cum Prefectis Arabum, qui id
temporis Africę imperabant, ut copias in Hispaniam trajice-
rent: nihil facilius factū esse, quàm luxu solutam Gothorum po-
tentiam evertere. Placuit Proditoris consilium. Quid multa?
 tandem Tariffus Arabum Imperator ad Cæsarianum oppidum
castra ponit. (a). Rudericus non procul ab hoste ingenti cum
exercitu confedit. Pugnatum utrinque acriter: ad extremum
cum Oppis Archiepiscopus Toletanus non sine magnâ militum
manu ad Arabas defecisset, pulsus Rudericus dum fugit, in Le-
thęo flumine obmersus est. (b)

Neque vero ignari sumus, quanta sit Criticorum Hispa-
norum contentio de morte Ruderici, (c) de infamiâ Florindę,
deque proditione Juliani. Nostrum non est, inter ipsos tantas
componere lites: alii viderint. Nos non desumus officio nostro,
dum illustrem, ac primariam Tragœdię Actionem probabilem,
veroque similiorē ex Historia petamus.

Er-

(a) Cæsarianum Xeréz de la Frontera.

(b) Guadalete à nostris dicitur.

(c) Mariana lib VI. cap. XXI. & cap. XXIII. Quem in
hac parte Historia credulum, & cum vulgo consentientem accusat
Vir eruditissimus Marchio de Mondejar in Nosis ad lib VI.
Marianę. Sed illum Historicum omni exceptione majorem de-
fendit Josephus Franciscus de Isla, tom. 1. Comp. Histor. Hi-
spanica.

Ergo in hunc modum tota Tragediæ ratio nobis confecta est. Scenam ponimus in villâ quadam non procul ab utrisque castris disitâ, ad quam tuto se conferant ante pugnam Florinda, Tariffus, Julianus; post pugnam verò fugientes incidant Rudericus, ac Pelagius. Actus ita distinximus: I. continet Justitiæ Divinæ minas adversus Gothos, & totius summam actionis. II. adducit Angelum Hispaniæ Patronum pro Gothis, Justitiam contra Gothos agentem. III. habet Julianum apud sese cogitantem de proditiōis suæ exitu: Tariffum cum Juliano de proditiōe Oppæ, paulo ante nunciatâ, communicantem: Florindam primum apud Patrem, deinde solam sortem suam commiserantem. IV. effingit Rudericum apud ipsam villam, ex quâ jussu Juliani paulo ante discesserat Florinda, de adversâ fortunâ conquerentem: Pelagium eodem forte incidentem, ac Ruderico fugam explicantem. V. reducit Angelum patronum, qui narrandâ morte Ruderici, & Hispaniæ instantibus malis, actionem totam complectitur.

Ad choros quod attinet, ita res habet: I. canit Dei vindictam eò graviolem, quò tardior sit. II. Imperiorum, maxime Hispanici, crebras vicissitudines. III. damna luxus Hispanici. IV. licentiam Regum nunquam impanitam. V. Instantia supra Hispanorum caput Arabicæ tyrannidis mala.



HISPANIA CAPTA.

TRAGŌDIA.

ACTUS I.

JUSTITIA DIVINA.

HIC noster esto debitæ poenæ dies:
 Qui me Gothorum cumque vidit crimina
 Passam, Gothorum cernat ultricem simul.
 Ruat impetu nostro, ruat sceptrum impium,
 Ludibrium cui turpe dudum solvimus
 Intacta mecum castitas, rectaque Fides.
 Namque ipsa summis lapsa Divum sedibus
 Justitia, Cæsariani ad hos me contuli
 Agros vicinos, quidquid est sumptum prius,
 Sumptura poenæ denuo. Jam sentiet
 Me vindicem scelerata tellus, exulem
 Quam sæpe fecit, dum scelus folio locat.
 Nec, si ipsa nitatur salus, stet Iberia,
 Nitente contra hac dexterâ foetâ mali.
 Prius potentes Angelus Tutor preces
 Mittat: repressus gratiam vincit furor.
 Nam mihi laborum quidquid usquam nascitur,
 Id omne Gotthis, jam paratum est. Ah parum est!
 Jam ducit Afer vividas, ac nescias

C

Vincit

Vinci, Tariffus copias. Quas tu dabis
Ruderice pœnas! Helena rursus mollibus
Florinda Gotthis fiet, & raptus pudor
Armabit ultrices manus, quas tibi Gothus
Julianus advocat. Heu Gothorum viribus
Confisse frustra, Rex Supremo Numini
Invisè! Tumes terga vertes regia:
Hunc protinus fugitivus aspicias locum:
Ne fide turmis, hæcenus Victoriæ
Prælusit Afer, funus indicens Tuis.
Jam clasicum resonat, cruentus Iberiæ
Venit, cruentus Marte luctus; molibus
Ceu flumen effractis, ferox grassabitur
Victoris ira, urbesque sternens ac Viros:
Jam pontus Hesperio rubescet sanguine.
Proh quantus instat terror! eheu quam effera
Cædes Gothis! Non ære miles durior
Spectet oculis siccis Arabs; flebit silex.
Vix tanta possint Astra ferre Hispaniæ
Funera. Recedo, nec manu incensum meâ
Spectasse vindex animus audebit rogam.

C H O R U S.

Quamvis lenta gradu, fontibus injicit
Aequas Pæna manus: nec meritis parem
Vindictam fugiet Penna Libidinum,
Veloci levior noto.
Nimirum posuit provida limites
Certos criminibus Numinis æquitas,
Nec poenæ facilis, nec male vulneri
Indulgens, quod alat mora.
Quod si consilium dulce fefellerit

Tur-

Turpi fixa luto, nec referat retrè
 Gens humana pedem; pone Deus manu
 Torquet fulmina vindici.
 Puras prima Patrum, quæ sceleris plagas
 Corruptere novas, crimina, tempore
 Post longo assiduis diluit imbris,
 Merso vertice Montium.

Quid fortem memorem gentis Abramidum?
 In nervum vitii longa licentia
 Tandem evasit: habet spreta diutius
 Maius supplicium æquitas.

Et tu dura tamen, flectere vocibus
 Mentem, nec monitis rursus iter piis
 Rectum prompta sequi, nunc cumulum malis
 Addis, tristis Iberia?

Ternis anne parum per vertitum nefas
 Incurrisse, putas, impia, sæculis?
 Nondum, Gotthe, legis vela Libidini?
 Non poenæ scopulos times?

Ha sero sapies! & geminas polo
 Nexas sæpe manus tendere gesties.
 Placasses superos, tempus in ultimum
 Pacem pollicitos Gothis.

ACTUS II.

ANGELUS HISPANIÆ PATRONUS. JUSTITIA DIVINA.

ANGEL. **E**RGONE clemens conditor rerum, sedet
 Delere gentem funditus, nostræ datam
 Fidei? sedetne Afris beatam prodere
 Hispaniam, profugosque depelli Gothos?
 Perdes paterno pectore dadum tuo
 Tam dulce nomen? Causa quæ tantum excitat,

C 2

Que

Quæ causa, bellum? Nam quid ægras opprimit
 Violenta fauces Bæticiæ manus hostium?
 Quid peste tetrior hic Tariffus funera
 Infanda Iberis parat, & Afro milite
 Complens vicinos Lethi agros, in prælium,
 Vel potius exitium meorum Civium,
 Vocat? Nocentes fac Iberos: qui id negem?
 An jure summo contra Iberos egeris,
 Pater, nocentes? Quis tuas, te vindice,
 Manus, severo, fugerit? vel quæ salus
 Reos manebit, si ultor ad vivum scelus
 Refeces? Graves pœnas dedisset jam diu
 Qui casta David jura contempsit tori;
 Graves dedisset perditum cunctis genus
 Mortale culpis: patris at clementia
 Comprehsit iram vindicem, & fulmen manûs.

Haud præmium peto perfidis: ha! crimina,
 Hispane, novi tua; meis quàm sedulo
 Culpata vocibus: at meis peto civibus
 Veniam Gothis. En ego, Pater, jam supplices
 Tendo manus, jam parce Iberis, deprecor.
 Id, si quid unquam meruimus, nostris dato
 Meritis, Pater, quod cuncta vincat munera:
 Nostrine Princeps Angelus quondam chori,
 Numine probante, sub infimo detruserit
 Turmas Averno Persicas, Solymæ lares
 Densâ coronâ militum servaverit
 Cinctos, clientis factus assertor sui:
 Ego otiosam mente virtutem gerens,
 Spectem ruinam Civium, & stragem ultimam?
 Casos Iberos, cæde grassantem Africum?
 Sceptro superbos Arabas, ejectos Gothos?
 Christi rejecta, inducta Mahometis sacra?

Te,

Te, Christe, rerum certa spes labentium,
 Te, Christe, restor, tune cernas imperi
 Tantam tui perisse partem, & gentium
 Hereditas, tibi parta fuso sanguine,
 Mahometis impuri lupanar turpe erit?
 Te, Virgo Mater, invoco, tu sedibus
 His culta primum, sponte Iberis gentibus
 Te fassa matrem, deferēs Hispaniam?
 Et templa viventi posita tibi deferēs?
 Adeste Divi, quos Polo pia plurimos
 Hesperia misit, ferte opem Patriæ, prece
 Vestra Tonantis fulmine ardentēs manus
 Sistite, vel omnis poena me, quæso, imperat.

JUSTITIA. ANGELUS PATRONUS HISPANIÆ.

JUSTIT. Ne perge, Custos, prorsus exarsit furor,
 Et quanta quanta accepit immensâ manu,
 Jaculatur ultor fulmina Hispanis Deus.
 Non addet incestis pios, ne offer caput,
 Neu Cœlites patrios laceſſas. Patria
 Divis suis, quos læſit, inferias dabit.
 Abelis instar martyrum sanguis Polo
 Deducit iram vindicem: fufum impiâ
 Manu cruorem non finet inultum Deus.

ANGEL. Sanguine foveri martyrum poſcit Fides,
 Nec magis amicos ulla reddit victima
 Superos. *Just.* Cupit quoque martyrum cruor uberes
 Fructus. *Angel.* Iberia fertilis miſit ſuos.

JUSTIT. Vix floruit, ſclerumque turbo ſuſtulit
 Cum flore fructus: ſqualet infami ſitu
 Effœta recti terra; paſſim pullulat
 Inſorme crimen. *Ang.* Non nego Hiſpanos reos;

His



His parce, Virgo, precor. *Just.* Preci haud quaquam locus
Superest, nec incassum fatiga Cælites:

Hic acta, transacta omnia: hic poenæ dies
Dictus. *Ang.* Minatus sæpe præsentès Deus
Instare poenas, abstinet clemens manus.

JUSTIT. Clementis artes mitte Judicis: has nimis
Lusit diu Hesperia. An Gothos nunc denique
Diutini sceleris piget? num poenitet?

Quibus supremi Numinis, tamquam Patris,
Benignitas quàm sæpe supplicio diem
Traxit? graves quàm sæpe nostras reppulit
Blandus querelas? Namque ut, irato Deo,
Fatale presserunt Gothi vestigium
Campis Iberis, quid malorum non tuli
Despecta? queisve dolor pepercit vocibus?
Spargunt Arii virus, & Christo impium
Bellum scelesti commovent, quem tu invocas
Minus audientem, potius exosum Gothos.
Dehinc sancta legum jura deturbant throno.
Proh parca poenæ Judicis summi manus!
Inulta vidi mille stipatam toris

Regnantis aulam, perfidas quoque pellices
Jussu Tyranni matribus vidi æmulas
Hispanicis: & moribus castis male
Misisse nuntium ordinem vidi Patrum,
Nec cælibes dare Præfules operam sacris:
Christi fides! nec lege fas, dare cælibes,
Prohibet Tyrannus, castitas cui est odio.
Et jura Pontifici negantem Maximo
Hispaniam vidi. Nefas quod denique
Non vidimus? Quid cuique non licuit mali?
Emissa tartareis ab antris occupant
Iberiam cedes, adulterium, dolus,

Per-

Perjurium stupra, luxus, incestum, furor.

Quid perdo tempus? quidve vulnus retrico?

Huc arma miles, arma; ferrea jam seges

Ruat: Quid ensis cessat? an nondum cruor?

ANGEL. Meliora, quæso, Virgo, mentem, si licet,

Muta. *Just.* Haud licet, nec, si liceret, mihi libet.

ANGEL. Haud deprecor supplicia, poenis deprecor

Modum; medelam facito, non funus Gothis:

Tu parce regno, Virgo. *Just.* Frustra fecimus

Gothis medelam, jam medullas occupat

Tabes, putris fundatur è venis cruor.

Diximus: abunde minæ est, abunde est & precis.

ANGEL. Te miser lberè, o quanta tempestas manet!

O chara nostro pectori pignora, Gothi!

Vos, vos Tonantis quantus invadit furor!

Superi, manet si quis piis precibus locus,

Haud posco pacem, digna gentis funera

Exposco: tandem ruat Iberus, nobili

Dum dexterâ ruat: Africis ne victima

Devota monstris pareat, hoc solatii

Miseræ Patronus Iberiæ posco, Pater.

C H O R U S.

Vanus est splendor fragilis Coronæ,

Regio semper capiti minantis:

Vana pernicis fugit instar Umbræ,

Gloria Regni.

Prisca tempestas docuit, frequenti

Plurimos Regum quatiens ruinâ:

Sustulit primos Orientis oris

Illa Tyranos:

Sustulit celsæ Babylonis arces,

Maximi terris monumenta regni;

Su-

Sustulit Persas , pereunte gazâ

Divitis aulę:

Sustulit Medos. Neque firmiores,
Qui impetu primo superavit orbem;

Plurimos liquit folio Tyrannos

Victor Achivus.

Fræna mutantem ha! quoties Tyrannum

Sensit , & pondus gravius recenti

Additum rursus doluit Catenæ

Captus Iberus?

Mercibus Phœnix faciles Iberos

Cepit ignotis , & opes , dolosa

Lucra mentitus , rapuit Paternas

Vector avarus.

Punicus mox & peregrina ponto

Dona mercator pretiosa vexit;

Arma Romanus Libycis iniquus

Invida duxit.

Expulit Gotthus Latias secures,

Pellet & Gotthos Arabum Tyrannus.

Pellet & Lunas Arabum vagantes

Fortior hostis.

ACTUS III:

JULIANUS COMES.

VT multiplex nunc cura nostrum distrahit
Animum! ut gravis sub pectore exurit dolor!
Nunc charitas , nomen , genus pietas sui
Vix compotem mentem opprimunt: miser undique
Laceror: vocavi militem Afrum , & prodidi
Patriam ipse civis nobilis, Gothus , Comes.
Injuriam dum persequor nostram, improbus

Si-

Simul omne concipio nefas: me urget patrem
 Ob filiae turpem notam pietas nimis.
 Sequare vindictam, decus qua pulchrius
 Redeat prius, non augeatur dedecus
 Quid ergo? (restat nempe consilio locus,
 Cum se recens ex Africâ jam filia
 Tulit, nec obses jam minas Arabum timet;
 Et diluam labem priorem forsitan)
 An perfidus Regi fidem Afro liberem
 Datam Tarisso, dirus hostis Patriae?
 Patria vetat, quæ supplices mihi porrigit
 Manus, & obtestata quid sibi debeam,
 Hoc deprecatur facinus: at jam Patriam
 Mitto, pudendam nomini, ac famæ miser
 Confirmo labem. Rursus ergo proditor
 Fallam Tarissum? Credo fraudem non satis
 Unam esse Gortho: quâ tamen sit gratiâ?
 Ut serviam rursus Tyranno? scilicet
 Nondum tuis satis est abusus, filiam
 Da pellicem Regi, adde lenonem Patrem.
 Hoccine placet? Quin age, virum te nobilem
 Præsta; pudorem redde natæ pristinum;
 Aude Tyrannum præ tuis contemnere.
 Haud dicar hostis Patriæ, potius Pater
 Dicar: sed hostis dicar, ultricis modo
 Animum expleam flammæ: id unum juverit;
 Haud degener feram labem inultam filię.

TARIFFUS. JULIANUS.

TAR. Juliane salve. *Jul.* Et tu Tarisse. *Tar.* Id temporis
 Ignarus extra militum quid feceris
 Castra, usquequaque sequor. *Jul.* mihi modo nuntius
 Affertur, adventasse natam ex Africa,

D

Quam

Quam sospitem dum cupio cernere, longius
Solito moror. Jam tu impera, si quid velis.

TAR. Mihi misit Oppas transfugam. *JUL.* mirum nisi
faveat tibi Oppas. *Tar.* Ita refert mihi nuntius:
Fervente pugna, maximâ cum militum
se parte venturum: partibus sese optimis
Studuisse semper: Velle Gotthi pristinam
Injuriam ulcisci. *JUL.* Favet Victoria.

TAR. Utinam secundet tanta vates optimus
Mahometus omnia! pendeo tamen anxius:
Tu fare verò, cuncta credo transfugæ?
Nam militem solitos putem ordiri dolos.

JUL. Vel plura credas, censeo, quàm dixerit:
Hanc ipse præstabo fidem: hostes vicimus.
Age præda te dives manet, te fertile
Auri solum. *Tar.* In prædam potentis dexteræ
Concedat ergo, quidquid undis alluit
Uterque pontus. *JUL.* Nec minatus vertice
Ingens Pyrenæus Polo, obsistat tuis
Umquam Triumphis. Te videbit Gallia
Tariffe, Regem, Hispaniam modo viceris.

TAR. Vici: videbit, signa miles conferat.
Victoriæ sis particeps mecum volo.

JUL. Ero particeps pugnae simul, modo filiam
Ex Africâ reducem salutarim prius.

TAR. Jam tempus instat, rumpe confestim moras.

FLORINDA. JULIANUS.

FLOR. Tandem pudendus Arabs recessit: Jam Patrem
Licet salutem. Gaudeo te sospitem
Rursus videre, Pater. *JUL.* Redux mihi filia
Salve. Satin' tu commode? at parce lacrymis,
Nimium diu non nisi gementem vidimus.

FLO-

FLOR. Pater, furem me, Pater, labes agit:
 Heu perditum decus pudoris! *Jul.* Gaudio
 Præfens beabit te dies. *Flor.* Mihi gaudium
 Conſpectus Hefperia negat, famę negat
 Conflata labes: nam hic Tyrannus --- *Jul.* Deſine
 Jam plura: vindex tibi Tyranni adſum Pater.

FLOR. Vindiſta labem haud expiat turpem ſatis.

JUL. Nimis expiet, curante me Regis ſacra:
 Regia cadet noſtro pudori viſtima,
 Tu me vide *Flor.* Maculam tamen vix eluet
 Sacer Tyranni ſanguis, incendet magis.
 Everſa prodet Iberia impurum Gothum
 Me prodet infamem. Gravem quæ vindicat
 Injuriam flamma, hæc & illuſtrat notam.

JUL. Quin nobiles ultoris illuſtrat manus.
 Sed mox fateberis ipſa, nec longa eſt mora
 Pugna: timorem pelle. Victori obviam
 Venies parenti: hic nuntium, Tu filia,
 Sperato lætum. *Flor.* Quod Deus faxit Pater:

FLORINDA.

Abiit Pater, ſed cura noſtro è pectore
 Non abiit, imo urget magis. Crudelia
 Quæ me rulerunt fata, primas ætheris
 Auras videntem? Quodve ſidus præfuit
 Natalis horæ, ſcorpio mihi ſævius?
 Ah ſidus infaſtum! beatæ munera
 Vitæ negat; paſſim procellas excitans
 Mæroris, ipſam jactat in portu ratem.
 Nam in me proſecto oſtendit imperium invida
 Fortuna totum, nec pepercit viribus.
 Primum in pudendâ dum Tyranni regiâ
 Ruderici honorem Virgo princeps ambio,

Famamque tutam quæro, nostrum Rex decus
(Suffundit ora pudor) rapit nostrum decus
Impurus, & me pellicem addicit toro.

Quem non ibi incuso furens! in Cælites,
Regem, Parentem quas querelas concita
Fundo? nigrum quàm sæpe votis vindicem
Voco Tænarum, pertæsa fortem pellicis?
Absens Pater mihi nec vocanti defuit,
Natamque lustrò è regio pius asserit.

Dehinc Africam, nostri minatus vindicem
Se fore pudoris, repetit, & me una tulit.
Perpeffa summum dedecus, vix credidi
Restare quidquam, quod novi afferret mali
Africa. At ibi quos pertuli fastus Ducum
Arabum, quibus me supplices prætere
Jussit Parens, timidæ instar ancillæ, manus?
Me quantus invasit timor, ne barbarus
Vltor pudoris raperet extinctum decus!
Pretiumque vindictæ novam peteret notam!
Quid vetera conqueror? en redux Hispaniam
Cerno, recentis fertilem segetem mali.
Redeo, Tyrannum scilicet dantem mihi
Visura pœnas, quam fidem dederat Pater.
Nunc video rursus inulta Gotthorum domos,
Et martis anceps aleâ nostrum decus.
At jam Tariffus dat petenti militi
Signum, atque dicto citius Hispanos fugat.
Ah! pectus ægrum triste præfagit malum!

Namque Afer octavum quid expectat diem
Pugnæ? Quid astutus repressit milites?
Rudericus obstat scilicet, nondum immemor
Virtutis Hesperix. Ah! Nihil me perditum
Magis, ipse si superet! meo qui sanguine

In-

Incendium restinxerit belli. Placet,
 Restinguat, esset muneri præsto mori.
 At cura me gravior coquit, ne me toro
 Prostituatur infamem, & stuprum cumulet stupro.
 Superi, gravem prohibete casum, aut si nimis
 Invisa Divis vivo, mi jam Tartarus
 Imus dehiscat miseræ, & altâ Tartarus
 Me nocte condatur, Gotthici pellex prius,
 Quàm cerno vultum Regis impurum, & torum
 Captiva tango, sanguis æquè nobilis.
 Fac me ominatam male; mihi nunc dextera
 Fortuna rideat, & velit jam fletibus
 Posuisse finem, vincat Afer. Patriam
 Nil tale devincet merentem. Patriæ
 Victrix Erinnyes ero: mihi, nisi civibus
 Miseris, sinistrum fata solamen negant.
 Sed patria flammis pereat, hinc illustrior
 Nobis redibit fama, natali solo
 Potior: rogo uno dedecus nostrum ardeat
 Cum Rege, Regno, Civibus, Patriâ, Gothis.
 Sic restituta caput, poli inter sidera,
 Sublime, condet dignitas, nosterque honor.
 Sed ludit ardens regis vindictæ amor
 Infame pectus; ludit heu miseram dolor!
 Nunquam redibit castitas, quæ perdidit
 Florem semel, non si rigetur adultero
 Sanguine. Agedum misera, irritas posthac minas
 Jam discite ponere, discite famam spernere.
 Æterna moerentem manet me infamia,
 Despecta vitam transigam, & viduos dies.
 Famam, genus, sortem, pudoremque rapuit
 Unâ Tyrannus labe, spem rapuit simul
 Honoris. O me perditam! miseram! omnibus

Di-

Divis iniquis, perpeti ortam opprobrio!
 Quis me pudendam turpis usquam jam locus
 Excipiat? aut quâ fronte Cives viderim,
 Cantata passim fabula, & pellex Gothi?
 Quin fata saltem digna gloriâ,
 Clarâque purgas morte vitam fordidam?
 Et sua sit Hispanis Lucretia: Pellicem
 Nisi te Tyranno iterum reservas Gotthico.

C H O R U S.

In poenas meritas degenerem vocat,
 Fractam deliciis luxus Iberiam:
 Jam miles rapidos (quis vigor, aut pudor!)
 Miles siste pedes. Martia te vocat
 In pugnam tuba, jam nulla fugæ salus:
 Cædet terga ferox Africus insequens.
 Cessit præca patrum, cessit ad æthera
 Virtus nota prius Gentis Ibericæ,
 Cessit vultus atrox, durior hostibus
 Quàm mors ipsa, pavor. Cessit honor Ducis
 Pugnarum timidi. Cessit equis furor,
 E vento genitis in celerem fugam.
 Interpet peditum prompta manus prius:
 Nil exempla juvant pulcra Numantiæ,
 Nil armis patriis perfidus Annibal
 Trajectus, cineris victor Iberici,
 Fraudatus spoliis divitis oppidi.
 Luxus fregit iners martia pectora:
 Nescisset proprias dives Iberia
 Fossas subter opes, materiam malis!
 Nescisset teneris mercibus exteros,
 Furatos animum, & divitias soli.
 Aurum dum latuit, fortis Iberia:

Au-

Auri vena simul splenduit, hospitis
 Ostentata manu, protinus excidit
 Indulgens genio robur Iberiæ.
 Auri sacra fames intima viscera
 Detexit Patriæ. Ut plenus Hydrops, sitim
 Auxit divitiis Celtiber additis,
 Virtutem minuit luxuriâ fluens.

ACTUS IV.

RUDERICUS REX.

HUC tota demum recidit imperii mei
 Antiqua majestas, & astris gloria
 Compar, ut ejectus paternis sedibus
 Rex ipse turpi consulam vitæ fugâ?
 Ubi jam latebo tutus? aut quos angulos
 Hesperia Regi servet extremos suo?
 Hoc namque Cæsarianum Arabs, & moenia
 Vicina cepit, nulla nobis hic salus.
 Jam cui do tutandum caput? Victi fidem
 Regis clientes deferent, & gratiam
 Ab hoste quærent proditi domini. Simul
 Infestus hosti vivo, civi hostis simul.
 Ah! jecit omnem adversa fortuna aleam,
 Et regna nobis sustulit, velut invidens
 Tantæ parentum gloriæ, & spem sustulit
 Totam salutis. Nempe credo, periculum
 Fecisse, num de Rege nuper maximo
 Me redderet miserum: profecto reddidit.
 Neque ludit ægrum me dolor; nunc scilicet
 Ipsi triumphant Cælites nostris malis:
 Hoc dulce Divis munus, hoc Divos beat,
 Rerum potitos Arabas, ejectos Gothos.

Quàm

Quàm iustus arbiter expetit poenam Deus!
 Credo, nocentem fecit Hesperiam Gothus,
 Licet, hanc Tariffus lustrat impuris sacris,
 Quem ipsum piacula nulla solvent impium.

Cur stultus incuso securos Cælites
 Rerum? (securos casus ostendit meus.)
 Me poenitet fecisse Divis supplicem
 Vota prius: an feci, ut Tariffus proderet?
 Impurus ut primo impetu me funderet
 Arabs? ut unâ regium eriperet decus
 Cum luce vitæ, seu catenæ addiceret?
 Quid potius infelix quear? nam me undique
 Fluctus dolorum deprimit, nec liberos
 Questus relinquit pectori obmerso malis.
 Hinc militum (proh turpis Hesperiae pudor!)
 Virtus, viros mentita, mentem concutit:
 Julianus illinc proditor, patriæ lues,
 Hostisque multo quàm Tariffus sævior,
 Regis, Parentum, Civium atrox carnifex,
 Me territat, ceu emissa Erinnyes Tartaro.
 Quid Salius Oppas? an Sacerdos impius
 Martis? scelestus transfuga hanc pestem meo
 Animo creat, leto dolorem proximum.

Heu! quæ supersint jam in caput nostrum mala?
 Aut quis locus maneat relictus vulnere?
 Jurasse præsentem in ruinam & Cælites,
 Et Tartari furias iniquas arbitror:
 Nimis ha miser! jurasse sentio milites,
 Procereſque Gotthos: Tempora! in Regem Gothum
 Jam seviunt hostes Gothi, ceu dexterâ
 Instar furentum in viscera immisâ sua.
 Virtutis immemores paternæ, cum fide
 Et robur exuunt sinul, nam Hispaniæ

Mo-

Mores secuti, sanguinem obliti suum,
 Servire, victores prius, jam Afris amant.
 At serviant: crudele supplicium dabunt.
 Aut nostra perdet proditores dextera,
 Ut vivus ulciscar scelestos transfugas;
 Aut jam molestâ luce functus, perfidis
 Furias movebo Tēnari: te, te meâ,
 Juliane, discerpam manu: nec te infula,
 Oppa, sacris devota diris proteget.
 Heu quid loquor? tamquam supersit dignitas
 Intacta Regni, non inanis pristini
 Persona Regis: pone larvatas minas.
 Agedum miser, certæ saluti consule.
 Qui consulam vero saluti? milites
 Rursusne fusos in catervas inferam
 Arabas? redibit fortior, victus prius
 Miles, nec Afros morte pejus fugerit?
 An Marte perculsus remotas occupem
 Cum milite arces, dum Tariffi turbidus
 Subsidat impetus? ast ubi, aut quæ mœniâ
 Uvitiza bellorum inscius non diruit?
 Uvitiza dignus, cui procella hæc sæviat
 Belli, nec obruat immetentes posteros.
 Ignarus hēsito, nec satis, quò perditum
 Me verterim, video: anne supplex venero
 Hosti Tariffō? Men' Gothorum sanguine
 Cretum, cadentem viderit turpissimus
 Arabs ad infames pedes? men' Principem
 Vitæ precantem munera, instar sordidi
 Servi? Quid? æquo frœdere Hesperiam mihi
 Permittet hostis? Eône ventum denique,
 Ut jura Gotthis Afer impurus ferat,
 Dominisque prædam dividat latro suis?
 Id credo regnandi cupido vicerit,

E

Ut

Ut precibus imperium à latrone petam, fidem
 Ab hoste Pœno. Tæniæ agedum cape,
 Et supplices vittas: Minervæ frondibus
 Ornato palmas: Te Tariffio credito:
 Quid immoraris miser? age illuc perfidos
 Invisæ Gotthos: î, juvabit gratiâ
 Julianus, & Præsul Tariffio te dabit
 Oppas amicum. Certa te expectat salus.
 Atqui peribo certius, nec transfugis
 Debebo vitam. Hoc nunc mihi misero malum
 Restabat unum, perfidis ludibrio
 Venisse Gotthis, osculatum dexteram.
 Mortem paciscar millies, modo ne semel
 Vultus rebelles viderim: haud sic immemor
 Vivo decoris regii: pulchram manu
 Invenero mortem. Sed expediet prius
 Tentasse cuncta: extrema rerum linea
 Mors est. Quid? immaturus occumbam miser?

PELAGIUS COMES. RUDERICUS REX.

PELAG. Pellimur, Iberi, pellimur! Quis, te, malus?
 Quis terror egit miles? Hem quò pristina
 Virtus abit? nos vincat Afer? *Ruder.* Pelagi?

PELAG. Quis odiosus revocat? *Ruder.* Ergo, Pelagi,
 Tibi ego odiosus? *Pelag.* Rector Hesperie meus.

RUDER. Surge, nec honor me, Pelagi, tantus decet.
 Quò summa pugnae vertitur? *Pelag.* Rex charior

Ruderice vitâ. Ruder. Nimis amorem pectoris
 Sentio tui. Jam Regis amissi decus,
 Rex tibi Tariffus erit. *Pelag.* Sinistrium Coelites,
 Prohibete casum: vel fidelis dextera,
 (Et Regis obtestor caput) tam perfidum
 Avertet omen. Non colam Regem alterum,
 Ruderice, posthac: rege te vivam, secus

RUD.

RUD. Pergrata nobis tua fides; capiti prope
Lapsam coronam reddis. At quonam loco
Fortuna nobis, fare, quis pugnae exitus?

PELAG. Ha! quem in caput vertant Tariffi Cœlites!
Victoriam despero, sed nondum salus
Amissa prorsus. *Ruder.* Funditus periit salus,
Nec victus unquam, & salvus una; nec malis
Vivam superstes: desit hostis, non manus
Morti tamen deerit. *Pelag.* Per ipsam te, precor,
Rex, dexteram, parce tibi; seu unâ confice
Utrumque plagâ. *Ruder.* Men' catenæ, Pelagi,
Servas? *Pelag.* Coronæ servo: tandem contine
Manus: Quid, indulges furori? ne tua,
Quæso, Tarisso sceptrâ tradas. *Ruder.* Vivere
Me cogis invitum. Sed hostem quâ viâ
Fallo? Quod infamis fugæ pretium facis?

PEL. Dumtaxat uno pellimur, Rector, loco;
Nec flumen hostes occupant Lethem: licet,
Comitante parvâ militum, te illuc feras,
Manu; moratus ego brevi, dum copias
Metu fugaces congrego, te illò sequar,
Reliquasque turmas afferam. Et fors perfidæ
Quam sæpe victis reddidit victoriam,
Et sede dejectos locavit pristina?

Quid longa non mutat dies? Non spes alo
Vanas: Iberia capta victorem Africum
Capiet: secundis sæpe rebus barbara
Virtus perit lenita. Arabas altera manet
Capua. *Rud.* Ergo cedendum furori præcipis?
Cedo. Sed unum, Pelagi, te unum precor,
Misere scito fortis regiae: certus mihi
Protektor esto; in te omnis recumbit mea salus;
Mihi tu Imperator, Pelagi, miles, parens,
Deus esto: quod Rex ipse per genus obsecro

Gothicum, per afflictam salutem Patriæ,
 Per jura regni concidentis Iberici,
 Per dexteram istam, Pelagi, juxta fide,
 Ac Marte constantem, per instantem meo
 Capiti ruinam, perditum ne, Pelagi,
 Me deferas regem, & repellas Africum.
 Regi minantem. Ah! nescio quid turbida
 Mens nostra præfagit mali. Quid si ultimus
 Discessus instat utrique? Quid si ceperit
 Me hostis secutus? Vindicem te, Pelagi,
 Nostræ relinquo mortis, & mihi filium
 Te in jura sceptri sumo: tu, quæso, impias
 Defende nostro è corpore extincto manus,
 Et me sepulcro conde: nil funus moror
 Me Rege dignum. Pelagi, vale, Pelagi:

PELAGIUS COMES.

Quæ fata me miserum opprimunt? quis me dolor
 Ruderice, leto gravior obruit? hem mihi
 Misero! quibus fors me reservavit malis!
 Agedum miser, rumpe anime fletus, te dato
 Victum dolori: nec sat unquam lacrymis.
 Æquabis ærumnas Tuis. Quid enim amplius
 Restet mali? Rudericus Afro se objicit
 Fugiens. Iberia Regium amittit caput;
 Iberia infelix Tarisso subdita.
 Hæc milites fugiunt, & illac Gotthici,
 Impius Arabs passim feroces distrahit,
 Turmas: secundoque insolens nunc prælio
 Miles sequitur, urget, trucidat, conficit.
 Ubique luctus, sanguis, horror, fuga, metus;
 Imago mortis plurima Hispanis agris.
 Quæ reliqua spes miseris manet nobis? Gothus
 Concedat Hesperiam Tarisso. Perfidus

Jam

Jam gaudeat captis Iberis Proditor:
 At æquus ut primum remittat Coelitum
 Furor (per irati Tonantis fulmina
 Juro) fluentes Africano sanguine
 Rivos Iberia cernet, ulciscar Gothos,
 Nec ulla Iberis sunt cum Afris foedera.

C H O R U S.

Eheu potentis dura licentia
 Scepri, solutas in vetitum nefas,
 Indocta, comprehensisse palmas,
 Auspiciis Themidos sacratas!
 Frustra Tonantis fulmina judicis
 Regum coronis ante nocentium
 Injecta; frustra sæpe tactum
 Triste, locus solii, bidental.
 Oblita pœnæ, se comitem tamen
 Scepbris Libido perpetuam parat:
 Lex prima cunctis, nil libère,
 Quin liceat, cupidis Tyrannis.
 Affert ruenti perniciem Gotho
 Audax cupido non liciti tori:
 Impune vix unquam pudorem
 Virgineum rapuit Tyrannus.
 Gotthum fugacem nil juvat aureæ
 Splendor coronæ, nil procerum cohors;
 Mentita se regi fidelem:
 Victima certa cadit pudori.
 Assuetus aulæ, Rex populi metum
 Regni severum crediderat fore
 Tutorem? amor solus tuetur
 Firmior imperium satellites,

ACTUS V.

ANGELUS TUTOR HISPANIÆ.

QUIS vero erit crudelis exitii modus?
 Quisve æstuantis finis iræ numinis
 De pectore effusæ? nocentis Iberiæ
 Ecquando poenis terminum statues, Pater?
 Ecquando suppliciis meorum Civium
 Placatus, irati relinques fulmina
 Judicis, & accipies paterni pectoris
 Sensus amicos? Jam datum satis hætenus
 Iræ; ruinæ etiam profecto jam datum
 Nimis. Ah! scelestus Arabs potitus Iberiam;
 Iræ remisit lora; fortunæ impotens
 Rebus ruentibus addit extremum impetum.
 Nihil est mali reliquum, quod adversus Gothos
 Timeam: omnia ardens sustulit Superum furor.
 Rudericus indignâ modo occubuit nece.
 Eheu! Quid unquam, Cœlites, crudelius
 Vidi? quid immanius? abhorret barbarum
 Animus recordari scelus; lacrymæ vetant.
 Vix ille Pelagium reliquit tristior,
 Et victus adversæ dedit sorti manus;
 Diffussa passim cum hostium turma irruit
 In Regem Iberum: nihil coronam profuit,
 De capite detraxisse; Regem dignitas
 Eximia vultus Africanis prodidit.
 Undique fit impetus, exitumque hostes negant;
 Quid miser agat Rex? unde subsidium petat?
 Quos milites desertus objiciat Gothos?
 Quâ se fugâ subducat? aut quas apparet
 Vires in instantem Africum? misero via
 Nulla patuit Regi salutis: protinus
 Ergo cadit animis; deserit vultum color;

Me-

Metus occupat membra gelidus : vix lumina
Oppressa morte vicinâ in Afros sustulit.

Magis, ac magis circumvenit Rudericum Arabs,
Propiorque sectatur magis : ibi, o Cælites!
Moriemur ergo ? ait, atque diris hostibus
Cum luce vitæ sceptrâ linquemus Patrum?
Nam quod ego tantum facinus admisi prius?
Quidve merui tantum, Pater, si quidem Patris
Animum in Gothos servas? at immemores mei
Superos relinquo: heu! quæ satis mi jam infima
Tellus fatiscat perduto? seu Tartarus
Absorbeat miserum, priusquàm punicis
Objecta præda leonibus laceror. Mihi
Quid sceptrâ, quid peritura Regni dignitas
Prodest? Quid aulæ regius splendor meæ?
Quid optimatum affixa lateri olim cohors,
Discriminis nunc immemor nostri; immemor
Autem? imo enim vero Gothorum principes
Me miserum in has angustias redigunt. Mihi
Non hostis Afer, non Tariffi milites;
Sed proditores funus infandum afferunt.
Jam quid moror, non hostibus minus, ac Gothis
Invisus? invisusque Divis, Tartaro
Terris. Quid Atris demoror tradere caput?
Vix illa fatus, calcar addiderat fero,
Et quâ patebat via, dedit se flumini
Lethi ferendum, & fluctibus periit miser
Rudericus, antiquæ Gothorum gloriæ
Hæres, paterni particeps sceptri, throni,
Regniq. Rudericus Hosti punico
Male proditus, cœu objecta monstris victima.
Nec fata Regem unum tulerunt ultimâ,
Cunctis Iberis civibus miserabile
Impendet exitium. Impius sacra omnia

Ever-

Evertet Afer: jura, leges, dogmata;
 Moresque mutatos Iberia pristinos
 Lugebit. O Superi! pudenda clientibus
 Illata nostris sacra posthac videro?
 O misera Iberia! cui Tyranno proderis!
 Iberia, olim dulce nobis gaudium
 Nunc dolor acerbus! Cœlitum irę Victima!

C H O R U S:

Quid tota supremis Hesperia
 Lacrymis, in regnantis acerbo
 Funere, parcis? Lacrymas victus
 Fundat Iberus.
 Sacer ordo Patrum gemitus pectore
 Ducat ab imo. Monumenta sacra
 Diruet Afer. Lacrymas victus
 Fundat Iberus.
 Insigne decus patrię, Proceres,
 Ducite fletus. Nescit avitos
 Afer honores. Lacrymas victus
 Fundat Iberus.
 Triste pudoris amicę Matres
 Tundite pectus. Arabs dissolvit
 Fœdera thalami. Lacrymas victus
 Fundat Iberus.
 Vos querulos ad sidera, Virgines,
 Servata pudendo Arabi pręda,
 Tollite planctus. Lacrymas victus
 Fundat Iberus.
 Omnis Iberum jam populus miser,
 Funus acerbum Patrię faxit.
 Regnabit Arabs. Lacrymas victus
 Fundat Iberus.

DE

DE RETINENDA
ELOQUENTIÆ GLORIA.


ORATIO
AD CERVARIENSES
ACADEMICOS.

HABITA

A RAYMUNDO DE URIÈN,
RHETORICES AUDITORE,

LUDIS
RHETORICIS,
ET POETICIS

IN ACADEMIA CERVARIENSI
EX IPSIUS DECRETO ACTIS,



DE RETINENDA ELOQUENTIÆ GLORIA. O R A T I O

AD CERVARIENSES ACADEMICOS,

QUOD nobis diu, multumque in optatis fuerat, Cervarienses Academici, & quod ipsum ad invidiam Hispanici nominis, infamiamque studiorum sedandam, non nihil fortasse pertinebat; id cum singulari quadam felicitate nostra, tum maxime vestro munere, nobis datum, atque oblatum fuisse in hac Ludorum commissione, vehementissime gaudemus. (a) Inveteravit enim jam opinio popularibus nostris indigna, atque infamis, quæ non modo apud exteras nationes, jam pridem civibus nostris iniquas, sed in ipsâmet Hispaniâ eruditorum hominum sermone, litterisque percrebuit; Eloquentiam inter Hispanos, vel jam penitus consenuisse, vel omnino etiam spirasse. Quam quidem offensionem, atque invidiam nonnulli Hispani homines cum extinguere pro charitate erga cives suos deberent; eam scriptis, litterisque suis maxime inflammaverunt. Illi enim cum possent multorum civium summam latinæ linguæ facultatem, præstantissimam dicendi copiam, florentissimum doctrinæ, atque humanitatis studium summis, verissimisque laudibus efferre; atque ita cæteros ad

F 2

com-

(a) *Benedictus Feyjous*, de Doctrinâ politiori apud Hispanos Criticus optime meritus, non verè minus, quàm copiosè disertèque Hispaniæ gloriam ab externorum hominum criminationibus asserit. *Dissert. XXXIII. & XXXIV. tom. IV. Theat. Crit.*

communione gloriæ excitare: maluerunt corruptam potius latinitatem, deploratam eloquentiam, regnantem ubique barbariem diris, ac maledictis omnibus infectari: quo aliud affecti sunt nihil, nisi ut odium & sui, & maledicentis facundiæ apud cives suos commoverent.

Nobis autem in hac offensione studiorum Hispaniensium illud percommode cecidisse videtur, ut ad Ludos, qui unius humanitatis proprii essent, vos spectandi causâ conveniretis, Academici Cervarienses: quibus sane facile possemus, de florentissimâ dicendi gloriâ sine fuco, ac fallaciis gratulari; atque omnibus ostendere, artem illam eloquentiæ pulcherrimam in Cervariensi Academiâ firmissimum sibi domicilium, sedemque constituisse. Ad quam ego causam libentissimè accederem, nisi & me ingenii tenuitas, & conscientia infantia meæ retardaret. Vos, queso, mihi eam veniam pro meâ erga vos observantiâ dæte, ut, etiamsi dicendi facultate caream, dicendi tamen summam in vobis facultatem oratione mea demonstrarem. Itaque nunc, ut cum maxime, apud Cervarienses Academicos vigentem Eloquentiam docebo; cujus illi præclarissimam hæreditatem a majoribus nostris, in dicendi arte præstantissimis Viris, acceperunt. Quo profecto fiet, ut satis Hispanorum hominum querelis, satis exterorum criminationibus, (b) satis denique vestris laudibus faciamus, Cervarienses Academici.

Atque ego quidem, qui nostri sæpe Gymnasii splendorem, ac præstantiam non animo tantum, sed ipsis etiam oculis contemplari jucundissime soleo; vix mihi persuadere possum, hac nostrâ tempestate inventos esse nonnullos, qui amœ-

(b) In iis, qui barbarici maculam nostratibus affingunt, numerandus *Joan. B. arc.* qui negat in *Icon. Animo. cap. VII.* deditos Hispanos antiquioribus studiis: numerandi alii, quorum meminit *Nicol. Ant.* in *Prefat. tom. I. Bibliot. Hispanæ.*

a moeniores litteras Hispanis injucundas , & ignotas conquererentur. Quæ enim majora florentis eloquentiæ argumenta , quæ certiora indicia , quæ illustriora usquam gentium monumenta inveniri possunt , quàm quæ in Cervariensi Academia , vel ad præsentium admirationem , vel ad posterorum venerationem sunt omnium in oculis exposita , atque defixa ? Nusquam enim alibi magis Professores dicendi gloria insignes ; nusquam clarioribus eloquentiæ ornamentis scripta conspicua ; nusquam honor litteris humanioribus habitus præstantior. Hujus rei Vos mihi testes optimi estis , Academici ; quorum laudibus si quid detraho , nolite , quæso , iniquo animo pari : major est enim splendor , major dignitas , major præstantia , major denique vestra gloria , quam ut possit ab eloquentissimo quoque ullis verbis indicari , nedum ut à nobis in hac dicendi facultate tironibus explicetur.

Ergo ipse non tam Professorum tuorum laudes oratione mea effero , quàm admiror : quàm nitida , ac pura commentaria Auditoribus suis tradunt Professores Academici ! quàm in illis omnia , auream dicendi suavitatem sapiunt ! quàm latinè , quàm diserte , quàm eleganter , quàm copiosè , quàm demum prudenter , accommodatèque dicuntur ! Illa vero ornamenta doctrinæ , atque eruditionis , sine quibus solida , ac genuina eloquentia minime constare potest , quanta , quamque exquisita cernere in Tuis Professoribus licet ! Multa in hac parte dicerem , nisi me tempus revocaret ; unum illud dico , Cervariensium Professorum gravissimo Collegio non satis dignos haberi eos , qui totius antiquitatis notitiam , historiæ cognitionem , linguarum maxime eruditarum usum , ac facultatem non habeant. Atque hæc veluti domestica Cervariensis Academiae disciplina est ; quæ à vobis munitissima , & constantissima servatur , Academici Doctores ,

Jam

Jam quid de monumentis, atque scriptis dicam, quæ Cervarienses Academici juris publici fecerunt? quibus si quid hac nostra tempestate, quæ veluti eloquentiæ restitutæ alterum est sæculum aureum, non dicam præstantius, sed proximum, editum usquam gentium fuerit; (c) fatebor, reclamante quamvis veritate, barbaros esse Cervarienses Academicos. Memoriâ credo tenetis, quo plausu, quâ acclamatione Respublica Litteraria labores vestros acceperit: merito id quidem Academici: nihil enim à vobis est editum in vulgus quod non egregium, non singulare, non præstantissimum, atque divinum foret. Quam inter Sapientes famam Academiæ pepererunt illa juris vulgata commentaria? quis apud exteras nationes paulo fuit eruditior, qui summis laudibus illa non prosequeretur? quæ demum lucubrationes hac nostra tempestate acceptiores, gratioresque editæ fuerunt?

Quid de iis scriptis Philosophicis dicam, quæ summis laudibus Critici Trivultini, in censendis scriptoribus judices integerrimi, non ita multis ante annis extulerunt? Quid denique feram satis dignum summâ eâ gloriâ, quam sapientum præconiis, ac judicio consecutæ sunt illæ orationes, quæ Tui Professores divulgavit? in omnium manibus sunt; omnium sermone celebrantur; omnium calculis ipsarum Auctores, & doctrinæ copiâ eruditissimi, & ingenii acumine acerrimi, & judicii gravitate prudentissimi, & sermonis facultate latinissimi, atque eloquentissimi judicantur. Paucis ego verbis hoc conabor amplecti, Academia, quod ne plurimis quidem diceretur: eam gloriam Professores Tui scriptis suis compararunt, quæ Te unâ digna esset; cæteris vel Academiis, vel hominibus infinitis partibus superior.

Sed

(c) Bene multos Auctores adducerem, nisi vererem, ne gravis eorum modestiæ Oratio nostra futura esset: quamquam ii notiores sunt, quàm ut nomenclatorem disiderent.

Sed omisſis externorum hominum testimoniis , ad Te oculos convertam, Academia ; quam aſpicere non poſſum, quin florentiſſimæ eloquentiæ ſigna omnia conſpiciam. Tu honore maximo eos afficis Academicos, qui ſunt dicendi laude inſignes. Tu in aſiduſ Exercitationibus Tuorum rationem ſummam eloquentiæ habes. Tu, ne quæ documenta ſtudii erga humaniores litteras ardentiffimi deſiderarentur, Candidatis honorum tuorum, prius per reliquas Diſciplinās exultis, habes eloquentiæ Profeſſorem nominatim conſtitutum. Et tamen nonnulli erunt , qui ſplendorem eloquentiſſimæ Academiae obſcurare conentur? qui nos Hiſpanos per ora hominum veluti barbaros traducant? qui nos ad omnem ſenſum humanitatis, ac politioris doctrinæ hebetes appellent? qui ad ſuaviſſimos eloquentiæ concentus ſurdos exiſtiment? Invidos, & iniquos Cenſores , ſi cum tuam eloquentiam noverint, Cerv. Academia , ita de Hiſpanis judicant! hoſpites & peregrinos in Republicâ Litterariâ, ſi illam , oculis ſeſe omnium offerentem, non noverint!

At enim Tecum, Acad.natum, & adultum eſt humanitatis , atque amœnioris Doctrinæ ſtudium. Imo vero ampliſſimam à majoribus noſtris eloquentiæ poſſeſſionem, atque maximas orationis divitias accepiſtis, Academici Cervarienſes. Vos , quæſo, attentè communes Patriæ laudes, quod adhuc feciſtis, audite: quæ cum à me veriſſimæ proferrentur, vobis erunt ſcilicet gratiſſimæ. Et verò quoties priſca illa Hiſpanorum ingenia ; quoties ſcripta decoris, gratiæ, ſplendoris, gravitatisque pleniffima; quoties verſatam apud Græcos, Latinosque (d) homines de Hiſpania

nō-

(d) *Strabo lib. 3. Geographia* de Turdetanis ita loquitur: Hi inter Hiſpaniæ populos ſapientiâ putantur excellere , & litterarum ſtudiis utuntur, & memorandæ vetuſtatis volumina habent: cæteri etiam Hiſpani uſum habent litterarum. Similia *Latinus Pacatus* in Paneg. ad Theodoſ. Aug. habet: hæc (Hiſpania) facundiſſimos oratores, hæc clariſſimos vates parit. Qui velit plura antiquorum testimonia, adeat laudatum *Nic. Ant.*

nostra opinionem, animo, ac cogitatione complector: prorsus mihi persuadeo, unam esse hanc provinciam, quæ maxime ad procreandos, alendosque eloquentes viros & soli naturæ, & cœli temperie pertineat. Nam in qua provincia, quæ serò litteratorum hominum commercium olim acceperit, aut plures, aut præstantiores viros in omni doctrinæ, humanitatis, ac sapientiæ genere invenias? Quid enim Quintilianum summum dicendi Professore? Quid Porcium Latronem perfectissimum Oratorem? Quid Martialem festivissimum Poetam? Quid Lucanum & magna, & rotundo ore sonantem, commemorem? Quos omnes in Hispania natos Roma & civitate, & gratia, & honore, & fama singulari donandos existimavit.

At numquam tumorem, & insolentiam orationis illi exuerunt. Quis (e) vero criticis hoc dederit externis, ut sermonis majestatem, tumorem Hispanorum esse decernant? Sed ego non aggrediar sæpe actam, atque exagitatam hanc causam rursus agere. Fuerint nostris hominibus sua vitia; esto: an externum unum aliquem scriptorem mihi Censores istiusmodi afferent omni ex parte beatissimum? Ita enim comparata ratio est ingenii, doctrinæque humanæ, ut & nihil omnino vitio careat, & quod aliis laudandum videtur, aliis magnopere reprehendatur. Quis Græcorum Poetarum possit cum Homero conferri, cui (f) di-

vi-

(e) Nihil verebor prævaricatoris vitium, si, dum obtrectatores Hispanorum accuso, vitia Hispanorum simpliciter constiteat. Ego enim non dubito, qui linguâ latinâ aures subactas habeat, quin cum *Tullio Orat. pro Arc. Poeta* in Scriptoribus Hispanis pingue quiddam, ac peregrinum inveniat: fateor sublimes sententias nostrorum, sed video eas plerumque & nimis intortas, & sine latinorum hominum candore, ac simplicitate. Videndus *Muretus* in Prefatione ad *Catullum*.

(f) *Ælianus lib. XIII. Variar. sap. XXII.* Auctor est apud plures Civitates Ægypti, Asiæ, Græciæque pro Deo habitum fuisse Homerum.

vinos honores, perinde ac si homine major esset, antiquitas largita est? at Horatio visus nonnumquam dormire, Tullio (g) humana vitia indecore ad Deos transferre, (h) Per raultio. contra decorum persæpe peccare. Quis apud eodem Græcos uno Demosthene præstantior, qui omnium ornamenta oratorum complexus est? (i) at, si Senecæ (k) credimus, riget ejus oratio, nihil in ea placidum, nihil lene reperietur.

Quis magis, quàm Tullius, extra omnem (l) ingenii, & eloquentiæ aleam positus unquam esse debuit? at Asinius Gallus Ciceronis verba singula insectatus est: at Brutus fractum illum, (m) & elumbem vocavit: at (n) Erasmus solœcismi reum totius latinæ magistram fecit. Quid ergo mirabimur, vel re ipsâ Scriptores antiquæ Hispaniæ nonnumquam peccasse, vel severiores æquo accusatores, cum innocentes essent, habuisse? magis equidem illud ego mirarer, si criticis nostri homines eximii fuissent, quos nulla ex parte castigandos arbitrarentur. Rhetor egregius Fabius Quintilianus, omnes fatentur: at politus usque ad fastidium, & orationis curaturâ exilis, atque jejunus; hoc humanum est, hæc severitas Censorum, quæ omnes notandos opinatur. Divinum Lucani ingenium,

G

ple-

(g) *Tust. Quæst. lib. I.* Humana vitia ad Deos transtulit: (Homerus) mallet divina ad nos.

(h) *Parrault Paral. Antiquorum, & Juniorum.*

(i) *Cic. in Orat.* Nihil Lyliæ subtilitate cedit, (Demosthenes) nihil argutis, & acumine Hyperidi, nihil lenitate Aeschini, & splendore verborum.

(k) *Seneca Controvers.*

(l) *Plinius lib. I.*

(m) *Quintili.* vel quisquis Auctor *Dial. de Orator.*

(n) *Erasmus, & Valla* barbare loquutum Tullium dicunt; *Diutius commorans Athenis, eras animus ad te scribere. Et Cum in animo haberem navigandi.*

plena majestatis oratio; scilicet nemo negaverit: sed ampullas excitat, & sesquipadalia verba projicit; agnosco vestigia censuræ meminisse parentis. Quid multa? vel eo ipso nomine mihi præclari Scriptores Hispani videntur, quod tanto studio in iis vitia requirantur; quæ neque ita oderit antiquitas; neque ita facile iniquis Cenforibus appareant.

Sed ego paucos è multis, ne dicam infinitis scriptoribus nostris, profero: qui si quid in scriptis suis minus accuratum, aut paulo magis vitiosum habuerint, non eorum ingenio, sed tempori tribuendum existimo. Age vero ubi rursus ab Arabum tyrannide sese in libertatem vindicavit nostratum eloquentia; quot, quales, quantosque Scriptores protulit Hispania? (o) Quis Ludovicum Vivem, Antonium Nebrissam, Sanctium Brocensem nesciat, qui viam sibi, ac posteris tutissimam ad eloquentiam munierunt? At credo obscurum est nomen Alvari, Perpiniani, Granatensis, Gasparis Sancti, Cagni, Lacerdæ, aliorumque plurimorum: qui nati, educati, instituti in Hispania sui nominis gloriam Eloquentissimis Scriptis in omnes provincias propagarunt?

Jam quid loquar linguarum eruditarum cognitionem? Ubi magis ipsarum studium sæculis superioribus floruit? non dicam plures, ante restitutam politiore litteraturam, in (p) Hispania Hebraicè scripsisse, non dicam Compluti

cu-

(o) Non video, cur *Nicolaus Ant. Præf. Biblioth. Hispan.* concedat superiores exteras nationes numero eorum Scriptorum, qui humaniorem doctrinam excoluerint; cum ipse tam multos afferat hujus generis Scriptores, quàm multos ægre protulerint externi.

(p) Quo tempore Arabes Hispanis imperabant, fuere apud nos plurimi, qui Hebraicè scripserunt; ex quibus ferme manavit Hebraici sermonis cognitio, quæ hodieum habetur: ut *David, & Moses Kimkii. Moses Gerundensis; Jacobus Brandeschi: alii.*

curis Sapientissimi Ximenii Biblia Polyglotta edita fuisse: non dicam Ariam Montanum Biblia Regia curasse: unum illud dicam, sæculo proximè superiore provenisse in Hispania ingentem Theologorum numerum: (q) qui non oriosè declamarint; sed qui commentaria scripserint non modo rerum gravitate, sed linguarum usu, sed orationis nitore, sed ornamentis stili maxime conspicua. Ergo hujusce patrimonii doctrinæ, atque eloquentiæ te ex asse hæredem instituit, Cervar. Academia, ille maximus Tuus Conditor, ille Auctor, ille inquam *Borbonius Philippus V.* Hispaniarum quidem Rex Potentissimus, atque amplissimus; Tuus vero Patronus amantissimus: qui cum non nihil solutam Hispanorum virtutem, atque doctrinam offendisset; ad Te unam oculos conjecit, Te unam elegit, Te unam maxime fovit, ut non tam restitutores, atque tutores Hispanicæ gloriæ, quàm amplificatores Academicos Tuos efficeret. Cui Conditori Tuo, nisi è vivis decessisset, gratulandum profecto esset de amplitudine Tuâ, atque præstantissimâ eloquentiâ, quam unam ille votis omnibus secutus est, dum Cervariensem conderet Academiam. Nunc verò optimo Hispaniarum Principi, studiorumque amantissimo Ferdinando VI. & maximæ à te agendæ sunt gratiæ, Cervariensis Academia, quod in paternum erga te amorem Philippi V. Regis successerit; & ab Hispanis omnibus amplissima eidem Principi gratulatio facienda, quod ab Academiâ Cervariensi maximum paternæ curæ, consiliique fructum percipiat. Tu vero, Cervariensis Academia, quæ optimo jure tantam, tamque præclaram doctrinæ, humanitatis, eruditionis, atque eloquentiæ possessionem adie-

(q) *Paulus Colomesius* edidit an. M.DCC.XXX. opus: *Italia, & Hispania Orientalis.* ubi quam plurimos profert Hispanos Hebræicæ, Græcæ, Syriacæ, Arabicæ doctos.

adieris; quæ nomen, famam, gloriamque communis Patriæ sustinueris; quæ externorum, & domesticorum hominum calumnias, atque maculas Hispanorum nomini offusas splendore Tuo expuleris: quamdiu eris, memineris, credo, quibus artibus sumum amplitudinis gloriæ, que gradum adepta fueris: memineris propter studium Eloquentiæ summum honoris culmen conscendisse; in quo, si periculum foret, ne deficeres, Te, Academia, hortarer, ut quam accepisti à majoribus dicendi gloriam, posteris Tuis amplificatam relinqueres.

D I X I.

ΠΕΡΙ ΤΟΥ ΤΗΣ
ΕΛΛΗΝΙΚΗΣ ΓΛΩΤΤΑΣ ΜΑΝΘΑΝΕΙΝ
ΛΟΓΟΣ
ΠΡΟΣ ΤΟΥΣ ΑΚΑΔΗΜΑΙΚΟΥΣ
ΤΟΥΣ ΚΕΡΒΑΡΙΚΟΥΣ.
DE LINGUA
GRÆCA PERDISCENDĀ
ORATIO
AD ACADEMICOS CERVARIENSES:
HABITA
A RAPHAËLE DE PERPIÑÁ
RHETORICES AUDITORE
LUDIS
RHETORICIS, ET POETICIS
IN ACADEMIA CERVARIENSI
EX IPSIUS DECRETO ACTIS:

THE UNIVERSITY OF CHICAGO

PHYSICS DEPARTMENT

PHYSICS 354

LECTURE 1

THEORY OF QUANTUM MECHANICS

LECTURER: J. J. HALL

DATE: 1998

REVISION: 1.0

REVISION: 1.1

REVISION: 1.2

REVISION: 1.3

REVISION: 1.4

REVISION: 1.5

REVISION: 1.6

REVISION: 1.7

REVISION: 1.8

REVISION: 1.9

REVISION: 2.0

REVISION: 2.1

ΠΕΡΙ ΤΟΥ ΤΗΣ

ΕΛΛΗΝΙΚΗΣ ΓΛΩΤΤΑΣ ΜΑΘΗΣΕΙΣ

ΛΟΓΟΣ

ΠΡΟΣ ΤΟΥΣ ΑΚΑΔΗΜΑΙΚΟΥΣ

ΤΟΥΣ ΚΕΡΒΑΡΙΚΟΥΣ.

DE LINGUA

GRÆCA PERDISCENDA

ORATIO

AD ACADEMICOS CERVARIENSES.

Πολλῶν μὲν, ἧ μεγίστων
 ὄντων, ᾧ ἄνδρες Ἀκαδημαῖ-
 κοὶ, ἀνθρώποις παρὰ φύσε-
 ως κεχαρισμένων δῶραι τε
 ἡ χρυσιῶν ἢ κρείττον οὐδὲν
 νομισαίμεν, ἡ χρησιμώτε-
 ρον ἢ πρὸς τὰ λαλεῖν δυνά-
 μεως. ἢ ἢ μῖν ὑπαρχέτης.
 τῶν γὰρ ἀγαθῶν, ἢ ἢ τῶν βίῳ
 δὴ

Et si multa sint, & maximæ
 munera, atque commoda,
 quæ natura hominibus be-
 nignissimè largita est; in
 illis tamen nullum, neque
 præstantius, neque utilius
 existimârim, quàm, quâ
 utimur, dicendi, loquen-
 dique facultatem. Per hanc

H enim

enim ita nobis licet, bonis omnibus, quæ in hominum vitâ plurima sunt, perfrui; ut unâ cum illâ omnibus carere vitæ muneribus cogeremur. Neque vero solum per hanc sermonis facultatem ea nobis natura concessit, quæ ad vitæ essent necessaria; sed illa etiam, quæ ad comparandam, excolendamque rerum cognitionem pertinerent. (a)

Quare quis linguam eam

δὴ πλείων, ἵσιν ἀπολάμβει
διὰ ταύτης, ἥς ἀποσερέμενοι,
ἢ τίτων ἀκολούθως ἀπάντων
ἀποσερηθησόμεθα. Οὐ μόνον
ἢ μετίδωκεν ἡ Φύσις ἡμῖν
διὰ τῆς ἰξυσίας τῆς Φωνῆς τὰ
πρὸς τὴν βίον δεικνύμενα, ἀλλὰ
ἢ μέλιστα τὰ πρὸς τὴν γνῶσιν
συμφέροντα

Διόπερ θαυμάζειν ἱκίς,
ὦ Ἀκαδημαῖκοι Κερβαρικοὶ,
ἢ ἀγῶνι ἐκκίνητο γλῶτ-
ταν, τὴν πρὸς τῶν ἄλλων ὕσαν
τῶν τε διαφίροντι, ἢ τῶν ἀ-
φελίμων πρὸς τὴν παιδείαν, ἢ
τὴν

jure optimo non admiretur atque suspiciat, Cervarienses Academici, quæ una non modo aptior, atque utilior ad institutionem, atque doctrinam reliquis omnibus est, sed venustate verborum multo maxime antecellit. Quam qui-

(a) Ita apud M. Tull. lib. I. de Oratore loquitur Crassus: Hoc enim uno præstamus vel maxime feris, quod colloquimur inter nos, & quod exprimere dicendo sensa possumus.

τὴν ἱερὰν κέκαστον. Ταύ-
την δ' εἶναι τὴν Ἑλληνικὴν δι-
εξελευθέρωσιν ἐν βραχυσί· πρὸς
κομῇ οὐδ' ὑμῖν ἄχαρις ἴ-
σως ἀκούειν λόγον περὶ ταύτης,
ἀφ' οὗ μεγίστη ἐστὶν πρὸς τὰς
παθούσας ἀγαθὰ. Πόθεν οὖν
πότε τὴν ἀξίωσιν ὑπερῶσαν
ταύτην, καὶ χρεῖαι τῆς γλώττης τῆς
Ἑλληνικῆς τεκμαίρομαι; Πρῶ-
τον καὶ μὴ δύναμαι εἰς πολλὰ
διηγήσασθαι τὴν μὴ ἀρχαίω-
τα, καθ' ἣν εἰς θάσση οἱ πολλοὶ
τὰ καλὰ, καὶ τὰ ἀγαθὰ συμ-
μετρῶν. Ἀλλὰ μὴ λεπτολο-
γεῖν

quidem linguam esse græ-
canicam, brevibus osten-
dere conabor. Vobis verò
injuvunda hæc minimè o-
ratio accidere poterit, quæ
tota in eâ re versetur, ex
quâ in omnes Disciplinas
maxima commoda pro-
manarunt. Unde autem
summa omnium præstan-
tia, ac commoditas Lin-
guæ Græcæ colligi potest?
Primum quidem possem
in hac parte plura differe-
re; maxime vero omnium

I

illius antiquitatem, (a) ad quam solent multi rerum
dignitatem, ac pulchritudinem exigere. Sed ne cum Græ-
cis videar ineptire de ipsorum vetustate; hæc volens præ-
termitto: quamquam illud constat, plerosque antiquorum
in

(a) *Isocrates in Panegy. Athenienses, totius Græciæ celeberrimos, vocat ἀπτόχθονας, id est ex ipsa terra patria ab initio natos. Huic consentit Tull. Orat. pro Flacco, in quâ de Atheniensium Civitate scribit: Quæ vetustate eâ est, ut ipsa ex sese suos Cives genuisse dicatur.*

in rebus Sacris, ac Liturgiis Græcè locutos fuisse. Nam, que id ipsum & de Brachmanis, qui sunt habiti Indorum (a) sapientissimi; & de Druidibus, (b) quorum est apud Gallos vel notissima, vel antiquissima doctrina; & de multis aliis memoria proditum est. Hæc vero ad rem nostram parum faciunt.

Jam quoniam Græci maximam sapientissimorum hominum copiam

γῶν σὺν ἡλλήσιν περὶ ἱστο-
ρῶν ἀρχαιοτήτος δεξαίμεν, τῶ-
τε ἰκὼν παραλείπω. Δῆλον
ᾧ μύθοι τοὺς τὴν πάλαι ἐθῶς,
πολλοὺς ἐν τοῖς ἰαυτῶν ἱε-
ροῖς, καὶ λειτουργίαις χρησάσθαι
λόγῳ τῶν ἡλληνικῶν ὥστε καὶ
περὶ τῶν βραχυμῶν ἐν παρὰ
τοῖς ἰνδοικοῖς ἐστὶν σοφώτατοι,
ἰγρὰ φθῆναι καὶ περὶ τῶν Δρυιδῶν
τῶν ἐν τοῖς κήλταις, ὅτι γε καὶ
ὑπερβυλλητὸς ἡ σοφία, καὶ
μάλιστα παλαιὰ καὶ περὶ τῶν
ἄλλων πεικλῶν. Ταῦτα ᾧ μὲν
κρὸν πρὸς τὰ πράγματα.

O.

habuerunt, compertissimum omnibus esse arbitror, ipsorum sermonem maximum ad disciplinas afferre momentum.

Qua-

(a) *Exemplo fuerint Calanus ille celeberrimus, & Phraortes Indorum Rex, quos græcè scisse constat.*

(b) *Cæsar auctor est de Druidibus de Bello Gal. lib. VI: quo in loco suspecta Criticis est vox Græcis: sed non satis causæ esse video, cur quidquam mutetur: quando & ipse Cæsar lib. I. de Helvetiis vicinis, græcè doctos fuisse affirmat.*

ὅταν ὃ τοσούτον ὑπερβι-
βλήκασιν οἱ Ἑλληνες τὸ σό-
φον ὑπορίαν, μάστιγα πα-
σιν ἔσται ἐν τῷ Φανερῷ νο-
μίζο, τὸ πρὸς τὰς τέχνας
χρείαν ἐν αὐτῷ γλώττη ἔ-
σαν. Τοιγαρὺν ἀφ' Ἑλλήνων,
φημι, δεῖν τὰς τέχνας ἀνα-
ζητεῖν, καὶ τούτο δι' ἰλληνικῶν
λόγων, οὐ δι' ἄλλων πείθειν ὅτι,
ἐνὰ μοι, πείθειν ζητεῖν τὰ
μαθήματα; ἐξ αὐτῶν δὴ λαὸν

(a) Quapropter à Græcis pe-
tendas esse artes dico, atque
ita petendas, ut græcam,
neque aliam omnino, lin-
guam ad illas adhibeamus.
Undenam, quæso, putabi-
mus disciplinas esse quæ-
rendas? Inde scilicet, unde
ad omnes alios constat, ab
initio promanasse: quas
universos fere à Græ-
cis accepisse, plura, ac mā-

nifestiora argumenta habemus, quàm ut locum dubio relin-
quamus. Et verò cum multa quidem, quæ ad fabulas spectant,
præ-

(a) In omnibus Disciplinis vel Divinis vel humanis non modo
numero, sed etiam pretio, ac dignitate Scriptorum facile ceteros
omnes Græci superant. ut verissime Plato in Timæo, & in Meno-
xeno dixerit, Terram Atticam esse ingeniorum fertilitati præcipuè
accommodam. Hujus rei causam Panætius ex ævis natura petit,
Longinus ex soli conditione, Origines ex celestibus aspectibus,
vique ex astris demissa. M. Tullius de Nat. Deor. lib. II. in ean-
dem sententiam loquitur: Etenim licet videre acutiora ingenia, &
ad intelligendum aptiora eorum, qui terras incolunt eas, in quibus
aër sit purus, ac tenuis, quam eorum, qui utantur crasso calō, &
concreto. Hæc latè persequitur Cæsar. Rhæd. Lect. Ant. lib. X.
cap. XX.

prætermittamus, ne Poetis videamur occinere, ea dumtaxat dicemus, quibus nec aliud quidquam præstantius, nec verius queat afferi.

Atque equidem solertissimus in his rebus cognoscendis Cicero, (a) sæpe hoc fassus est. Athenas enim planè doctrinarum omnium inventrices appellat:

ἡ ταῦτε ἀπ' ἀρχῆς συνίθη
 ἰς αὐτὰς; ἐκβλέπειν. τὸ δ'
 πάντας ἱεληφέναι τὰ παιδιώ-
 ματα ὑφ' Ἑλλήνων, ἀπο-
 δείξῃς ἔχομεν ἱερουργεῖς, ἡ
 Φανέρως. Πόλλ' αὖτις εἰς μύ-
 ρους ἐνηνεγμένων λόγων πα-
 ραλιπὼν, μὴ τοῖς ποιηταῖς
 δοξαίμην συνάδειν. αἵ τε γὰρ
 μὲν ἀξίως ἡ τῇ ἀληθείᾳ ἀή-
 τητὰ ἴσιν, ταῦτα ἥδη λίσσω.
 Καὶ γὰρ ἐπιγινώσκειν ταῦτα
 διττὸς

(b) huic antiquorum plerique omnes suis testimoniis suffragantur; quæ ego in orationem meam inducenda non arbitror.

(a) Mar. Tul. *Romana gloria paulo cupidior, quam quantum veritas pateretur, etsi cum sæpe aliàs, tum maxime Tusculanar. quest. lib. I. Græcos Romanis posthabeat; tamen reclamante veritate Græciam non raro ipsam ex suis, id est maximis virtutibus exornat. Lib. I. de Orat. Atque illas omnium doctrinarum inventrices Athenas &c. Orat. pro Flacco. Ad sunt Athenienses, unde humanitas, doctrina, religio, fruges, iura, leges orta.*

(b) Corn. Nepos in *Attici Vita*, & Justinus cum lib. II. tum IV. omnino omnem humanitatem à Græcis ortam fatemur. Nos vero cum Clemente Alexandrino potius credimus, Græcos scientias quidem in summam perfectionem adduxisse, ipsas tamen ab Ægyptiis, Chaldæis, Phœnicibus accepisse.

διὰ τὸν ὅτι καὶ Κικέρων τὰ
 πολλὰ ἐξομολογεῖται τὰς
 αὐτὰς ἀθύναι, λίγου ἀπλῶς τὴν
 ἀπώτατον παιδεύματον εἶναι
 ὑπερίδαν. Ἀλλὰ δὴ καὶ αὐτὸς
 συνέπειν οἱ τὴν παλαιὰν πολ-
 λοι, ὡς κατακτείνῃ τὰ μαρτύρια
 εἰς τὰ λόγων ἰσοσυγκρί-
 ταῦτα μὲν ἴσως ἀπέχρη-
 στὸν τὸ φιλαθρίαν καὶ προ-
 βίαν ἐκδέχεται τὴν ἑλληνικὴν
 λόγον, ὑπερὶ αὐτῶν τὴν ψυ-
 χὴν ἔχοντα πρὸς παιδεί-
 ματα. Ἀλλ' ἴσως περὶ ἐκεί-
 νου τὴν μαθημάτων ὡς ἡ παρὰ
 ἑλλήνων ἔφυνε, ἢ τετέλειται
 δηλῶσαι. Ἀγε δὴ καὶ τὴν ἑρῆς
 πολιτείας, μίγα τοῖς ἀν-
 θρώποις, καὶ κρείττονι ἴσως
 ἀγαθόν; ἀρχὴν ἀφ' ἑαυτῆς
 τὴν λίγου καταβαλὼν. Παρα-
 ληπὸν δὲ διὰ τὴν μύθον πολ-
 λὸς νομοθετοῦσι μόνον ἀν-
 κήρυγος, καὶ ὁ Σέλιαν ἀξιοι μετ-
 μου.

1000. Nec enim satis erunt
 fortasse, ut, si quā benevo-
 lentiā, & studio erga Di-
 sciplinas afficimur, eādem
 erga Græcos. Litteras affi-
 ciamur: tamen de unāqua-
 que ipsarum illud oratio-
 ne mea ostendam, vel na-
 tam, vel inter Græcos
 adultam fuisse.

Age verò initium ducamus à *Politiā*, quæ modo
 bene constituta, ac tem-
 perata sit, maximum in
 humanā societate bonum
 debet existimari. Nihil di-
 cam de multis legum la-
 toribus, quos Græcia ac-
 cumulandis fabulis efficit
 illustriores: (a) Lycurgus
 autem, & Solon orationem
 nostram jure sibi maximo
 vindicant. Hi enim sum-
 ma vi ingenii, mentis, ac
 ju-

(a) Plutarc. in *Vita Lycurgi, & Solonis*. Mirum illud est, cum
 Lycurgus non nisi verbera, plagas, labores; Solon vero humanissi-
 mas

judicii viri ita accuratè, decenter, justeque leges tulcrunt; ut Lycurgus quidem Deo similis sit existimatus Apollinis testimonio, qui sese dubitare respondit, an Deum, an hominem Lycurgum putaret: Solon vero & suis, & externis Civibus maximo in honore, atque admiratione fuerit. Quorum utrumque recti justique imperii normam, & exemplum constituissè, illud optimo argumento esse poterit, (a) quod Romani illorum Leges amplexi tantam rerum omnium potentiam fuerint affecuti.

Τῶν γὰρ ἰθὺν ἐν πλείστοις ἐν

μονεύει. Οὗτοι μὲν γὰρ ἰσφρωτέντες, καὶ μεγαλόψυχοι ἔστω καλῶς, καὶ δικαίως νομοθέτησαν, ὥς τὴν μὲν Λυκούργου ἐκάζει θεῶν, τὴν Ἀπώλλωνος πρὸς αὐτὸν λόγοντος, δίδω, ἥ σε θεὸν μαντεύσομαι, ἢ ἄνθρωπον τὸν δὲ Σόλωνα ἀπὸ βλεπτοῦ παρὶς γενέσθαι. Ἀμφότεροι γὰρ παροσχέκασιν τὰ παραδείγματα τὴν καλῆς, καὶ ὁρθῆς πολιτείας. καὶ ἐτι τὴν ἀληθῆς, σημεῖον ἔχον διαλαμνῶν πρότατον. Ἐκείνων γὰρ νόμοι ἀπὸ ἰσχυραίων δεχόμενοι τοσαύτην τέτοις δυνάμειν ἰσχυνεύκαν. Ἰππεῖτα μὲν ἰπὶ τῇ θεολογίᾳ μεγαφρονεῖν ἴσται. τοὶ πρὸ τῶν ἄλλων ἀπάντων, καὶ ἰσοδοκίμειν, δέχουσιν. Εἰκὸς ἂν σκέτι καὶ ἀγνοίᾳ παντοδαπῇ καί-

mas ac suavissimas leges inducerent; potuisse utrumque tamen, felices, ac potentes suos Cives efficere: quod certe Legislatorum prudentiam singularem ostendit. Vidend. Plutarc. in horum Vita.

(a) De numero Legatorum video non satis convenire inter Scriptores, sunt qui X. sunt qui dumtaxat V. missos velint. Sed Dion. Halicar. lib. X. Livius Decad. I. lib. III. cap. XXXIII. licet omnem dirimunt, dum manifestè affirmant III. tantum fuisse missos.

κείμενοι, οὐδαμίας περὶ τῆς
θείας εἶχον ἐπιμέλειαν ἢ γνῶ-
σιν· ἀλλὰ ὃ παρὰ τοῖς Ἑλλη-
σιν ἀνέφυντο ἐπιφανεῖς πολ-
λοὶ, καὶ ἐν τῇ θεολογίᾳ ἰουδο-
ποιώτατοι· ἄλλοι δὲ τὸ μὲν
πρῶτον μνημονεύουσιν αἱ Σί-
βυλλαι, ἰσθῆτοι γυναικες, καὶ
πρὸς τὸ ἀκριβὲς θεολογῦμεναι.

Τὴν δὲ ἀγίαν τῶν ἡμῶν οἱ
πλείστοι Πατρῶν τοῖς ὁκαίνων
εἶχον καὶ ἡμέας κεχρήμετοι,
διατελοῦσι καὶ τῇ πολυθείᾳ.

Θ.υ.

Deinde in rebus Theo-
logicis & sibi maxime pla-
cere, & illustriores cæteris
omnibus esse Græci viden-
tur: neque id injuriâ. Cum
enim (a) plurimæ reliqua-
rum nationum in tenebris,
atque ignoratione rerum
divinarum jacerent, neque
illarum curam ullam ha-
berent, aut notionem; ta-
men plures apud Græcos
extiterunt in Theologicis

illustres, atque conspicui. Jure autem suo primum nobis
occupent Sibyllæ (b) locum, sæminæ illæ quidem ethnicæ,
sed rerum divinarum peritissimæ.

Ple:

(a) Lactan. Divin. Instit. lib. IIII. cap. XXIII. Ex Barbaris
verò nullum, præter unum Anacharsim Scytham, qui philosophiam
nec somniasset quidem, nisi & Linguam, & Græcas Litteras didi-
cisset.

(b) Quanto in pretio libri Sibyllini à Romanis fuerint habiti,
documento esse potest, & quod diligenter à XV. viris asservaren-
tur, & quod eorum unus, qui transcripta carmina illorum alteri
communicavit, capitis sit condemnatus.

(a) Plerique enim Sanctorum Patrum contra Deorum (b) multitudinem illarum testimoniis perpetuo utuntur. Ego vero satis mirari non possum, Viri Acad. nonnullos esse neque obscuros, neque cætera indoctos viros, qui nihil, quod ad Sibyllarum pertinet oracula, (c) sincerum ac genuinum opinentur. O audacem istorum hominum infamiam !

θαυμάζω τούτων, ὅτι Ἀκαδημαῖκοι, τινες εἶναι οὐδ' ἀφανείς οὐδὲ τ' ἄλλα ἀπαθείου-
τε, τὰ τ' Σιβύλλαν οὐδὲν γνή-
σια λίγοντες τόλμα τ' ἐν-
θρώπων καὶ ἐνμοχυντία ἐκδ-
ῶν εἶη, καὶ περιποντοῖς ἡμῶν
διδασκαλῶς ἔπεσ. Ἡδῶς
ἔγωγε, καὶ παρόμοις σφέ-
δρα περὶ τέτων ποισαίμεν
λόγους. ὅς καλῶς ἔχει ἡ Πα-
τρῶν διόξα· ἀλλὰ οὐ καί; ὅς
χαίρεις ἐπὶ τούτοις διατρι-
βεῖν.

Tot-

quanto foret æquius communes sequi religionis magistros? Sed non est quidem his locus; de quibus ego perquam libenti promptoque animo verba facerem, Patrumque sententiam propugnarem.

Er-

(a) Vix unus aliquis è Patribus est, qui pro te nata carmina Sibyllina non adduxerit: in iis vero potissimum Augustinus, Lactantius, & Clem. Alexand.

(b) In hac causa actor præcipuus Blondellus Calvinista contendit, quæcumque Sibyllarum carmina circumferantur, ea omnia conficta ab imprudenti aliquo Christiano fuisse. P. Crasset doctus Jesuita causam Patrum propugnat, vel obrinet potius, cum ostendat vix potuisse illarum carmina corrumpi.

(c) Suidas tradit Hermem dixisse: ὅτι Τριάδι μίαν ἔναι θεότητα: in Trinitate unam esse Divinitatem. Lactan. item passim in Instit. sapientissimum in Theologicis Hermem indicat.

Το γὰρ, τὰ λοιπὰ περι-
λαμβάνω διηγήσομαι. προ-
σθήσω τὸν Ἑρμῆν τὸν καλούμε-
νον Τρισμέγιστον προσθήσω
τούς ἑπτὰ λεγομένους σοφί-
αν προσθήσω τὴν περὶ τῆς
θεολογίας ἐν τῷ Πλάτῳ
ἐπιφανομένην νόσιν· εἰ μὴ
ἅπαντες μεθ' αὐτῶν τοσούτοι.
οὗ ἀπολαύσαντες αἰεὶ, τύχω-
σι, κλίε· εἰ μὴ καὶ τοὺς τρό-
πους ἀγαθοῦ, καὶ τὴν σοφίαν
ὑπερέφανοι ὄσιν, καὶ τελειώ-
τατοι.

Ἄρα ὅ ἐκ τούτων ἀνάβα-
σις ἐς τὴν ἀληθείαν θε-

ολο-

Ergo ad alia orationem
convertam. Addam Her-
mem illum Trismegistum
celeberrimum : addam
septem illos Græciæ sa-
pientes Viros : addam re-
rum divinarum cognitio-
ne præstantissimum Plato-
nem : qui profecto omnes,
(a) tantam, quantâ semper
floruerunt, gloriam nun-
quam fuissent adepti ; nisi
ad mores integri, ad sa-
pientiam conspicui, & per-
fectissimi fuissent.

Jam vero ad veriorem

L

in Theologicis cognitionem Christianorum hominum
gradū faciamus: quantū ad hanc verò Græcus sermo cōducit?

Ha;

(a) Numenius de Platone habet : Quid est aliud Plato, nisi
Μωυσης atticizans? sæpe enim Plato multa arcana Theologia tra-
hebat, quæ forsitan ab Hebræis desumpta Græco more fabulosè exor-
navit, vel potius corrumpit.

Habemus enim Sacras Litteras græcè nobis traditas, (a) quas neque rectè, neque tutò is interpreteretur, qui Græcorum linguam non didicerit. Quid loquar Sacras Synodos, & plurimas, & (b) antiquissimas? Quid Sanctorum Patrum libros accuratissime elaboratos? Quid: (c) qui græcè nesciat, nonne in iis cæcutiat, necesse est? Quam verò illud turpe & indignum, Theologos Christianos eam igno-

ο λογιαν τῶν τῶν Χριστιανῶν
γίνεσθαι· πόσον πρὸς ταύτην
ὠφελεῖ ὁ λόγος ἰλληνικῶς;
ἴκομαι γὰρ ὅτι τὰς ἀγίας
γραφὰς, ὥς οὐκ ἴσιν κατ' ἁ-
ξίαν, ὅτι ἀκριβῶς ἰρμητίαν,
πλὴν τῷ ἐπὶ τῷ λόγῳ ἰλ-
ληνικῷ πεπαθειμένῳ. Πα-
ραλείπω ὃ ὅτι ἰσχυρὸς συνόδος,
πλείας, ὅτι τὰς ἀρχαίας,
ἰλληνικῶς, ὅτι τὰ παρὰ τῶν
ἀγίων Πατρῶν ἡμῶν, ποσὰ
πεπληκίτων γυγραμμίνα-
μένον μὲν λέγοιμι ἂν, ἀσ-
χρὸν, ὃ Ἀκαδημαϊχαὶ, τίς

Θεο.

(a) Referta verbis græcicis sunt Sacra Litteræ: exempli causa, Phylacteria, Parasceve, Exodus, Probatica, & sexcenta alia. Quare viri ceteroquin docti nonnunquam turpiter in interpreta-
tione lapsi, ut qui Timotheum interpretabatur, Beneficum: ut
qui, Cœmeterium, inquit, dicitur à Cimen, quod est dulce, &
Sterion quod est statio; ibi enim dulciter defunctorum ossa quie-
scunt. Mirum ni rideat quidquid est ubique cachinnorum.

(b) In Conciliis Græca unius vocula notio, ut in Nic. I. ὁμολογίος,
in Florentino λατρεύω, quot lites non diremit?

(c) Quid in legendis Patribus lingua Græca efficiat, docuerit
doctissimus in exæctis linguis Petavius, qui gravissimas contor-
versas ex notione unius verbi transigit; nec sine scripta illorum ab
Hæreticis impune corrumpi.

ὁμιλόητες Χριστιανούς ἀγνοεῖν
τὰ ἑλληνικά, τὸ πρᾶγμα
ἔχειν.

Φέρε ὃ οὐ τοσαύτην ἀφε-
λείαν παρίζει πρὸς τ' ἄλλα
μαθήματα λόγος ἑλληνικός;
μέλλοι ὃ καὶ τῆς ἱερῆς
ἐκείῳ ἐν τῇ ᾧ ἱατρικῇ
οὐδεὶς ἀγνοῶν τὰ ἑλληνικά,
μηδαμῶς διαφέρειν δύναται.
ἢ τῇ φιλοσοφίᾳ τὰ τῶν
ῥημάτων ἐλαδῶ ἢ διαφύ-
γωμεν, ἢ παρὰ ἡμῖν φιλο-
σοφῆσαντες τὴν ἑλληνικὴν
γλῶτταν ἱμαθῶν ἐν τῇ καὶ
ἰσω.

ignorare linguam, quæ do-
ctrinæ suæ fontes aperiat!
Age(a) vero eandemne uti-
litatem lingua græca ad
alias habet disciplinas? imo
vero longe maiorem. In
Medicis enim rebus, quæ
græca non intelligat, emi-
nere nullo pacto poterit:
in Philosophicis, ut nihil
dicam aliud,(b) sordes pro-
fecto verborum fugisse-
mus, si nostri Philosophi
græce scissent, in histori-
cis ita excellunt Græci, ut

nihil sit, neque in pace, neque in bello, neque apud suos,
neque apud exterarum gentes, quin illi scriptis ac memo-
riæ commendaverint. Jam quantum illi in oratoris munere,

(d) Hæretici restitutores sese sermonis græci sæpe iactant; atque
Catholicorum Theologorum imperitiā sæpius crepant: scilicet ne-
sciant ante Polyglotta Complutensia edita fuisse, quàm Lutherus
à Pontifice Romano deficeret.

(a) Notum est quanto melius apud eruditos audiret Philosophia,
si sævarum Coniutores non ex Arabum interpretationibus, sed ex
Græco fonte doctrinam bibissent.

re, atque officio emineant; nemo melius quam Tullius ostenderit; (a) qui Græcos regnare in dicendi arte fatetur. Poëtos vero propriam sibi ac perpetuam possessionem compararunt: adco, ut qui Latini Poëta Græcos propius imitati fuerint, il maxime laudentur. Quæ cum ita sint, omnino tenendum arbitror, maximam facultatem, vimque habere

ἰσχυρικῇ ὕψος ὑπερβαίνουσιν, ὥστε οὐδὲν εἶναι μήτε τῶν ἐν τῇ ἱερῇ, μήτε τῶν ἐν τῷ πολέμῳ, μήτε παρὰ ἑαυτῶν, μήτε παρὰ ἀλλοφύλων πραγμάτων ὧν οὐκ ἄνευ Ἕλλητες ἰσώρησαν. Τὴν δὲ καὶ ἐν τοῖς λόγοις, καὶ ἐν τοῖς εἰρηματικαῖς ἰδίαις ἑαυτῶν ἐποίησαν. καὶ ὁ ἑκείνους ὁ Κικέρων ἐπὶ τοῖς λόγοις πρωτεύειν οὐδὲν Ἕλληνας, φησὶν. περὶ δὲ τῆς ποιήσεως οὐκ ἴσιν ἀπορεῖν· ἑκείνοι γὰρ τῶν Λατίνων μά-

Græcorum sermonem ad omnem partem studiorum, atque doctrinæ. Et verò si quid olim Romani, si quid denuo Itali in Litteris profecerunt; id omne Græcis (b) est in acceptis referendum. At enim dicat aliquis, non perinde nunc;

at,

(b) Cicero sese passim imitatore, & laudatore Demosthenis profitetur. Virgilius item Homerum perpetuò ferme vertit; Terentius Menandrum, Horatius Pindarum; alios item alii.

(a) Notum est, à Turcis captâ Constantinopoli an. M. CCCC. LVI. Græcos sapientes ad Italiam confugisse, secumque litteras & litterarum studium attulisse. Græcus Bessarion Græcorum Codicum Bibliothecam XXX. aut eorum millibus emptam Venetiis instruxit.

μέλιστα ἰσοκυμήσαντο ἐν τῷ τῆς Εἰλητος μιμῶδ ἀκριβέστεροι ὄντες.

...Ὁ δὲ οἶμα, πολλὰ ἔχει τὸν λόγον τῶν ἱλληκῶν πρὸς τὰ παιδύματα ἰοκίης. καὶ ὁ οἶμα Ῥωμαῖοι μὲν πάλα, περὶ δὲ Ἰταλικοὶ ἀφ' ἱλλήνων τὰ μαθήματα ἰδίζαντο. Ἀραγε εὐδ' ἰπτεῖν εἶχοι τις, εὐδ' ἐνὶ ἡμῖν διὰ περὶ τῷ λόγῳ ἱλληκῷ, ὥσπερ ἂν τὸ πάλα, φιλοπονεῖν, καὶ φροντίζειν, διὰ τῆς ἡμῖν ἐνὶ ἐπαρχίᾳ τῶν ἱρμη-

atque olim necessariam esse linguam græcicam; cum nihil sit Græcum, quin nobis latinum fecerint interpretes. Primum quid turpius; quàm obvio cuique interpreti non tam credere, quam sese decipiendum tradere? An verò obscurum est, sæpe numero ipsos internuncios ab errare? (a) At fac costamenæ digitum quidem extra sensa Scriptorum proferre: tamen omni studio

M lin-

νεῦν ἀφθονίας. Πρῶτον μὲν τὸτο ἂν αἰσχρὸν, μήτε προσῆκόν, φημι, τῷ τύχοντι ἱρμηνεῖ πιστεῖν, καὶ ἀκολουθεῖν ἱζαμαρτάνειν καὶ ἂν ἀπαξ δῆλον, τίς ἱρμηνευτάς. Εἰ δὲ ἔν, ἀμαρτάνετας οὐδὲν, μᾶλ-

(a) Libet pauca interpretum vitia in oculis omnium ponere, ut videant, quàm parum interpretibus sit accedendum. In Athanasii Epiß. ad Solit. τὰ βίβλα vertitur tabula. In Basilii Hom. in Proverb. ἀνεῖν ἐν τῷ λόγῳ τύχης vertit interpres, sine arte dicendi, pro τῷ, sine fraude, & fallaciâ. Cyrilli in Isaiam lib. III. εαρ. XLI. ποιημάτων, quod valet creaturarum, sit poematum insulsißime. Luciani in Jove Tragœdo illud de Poetis, ἅπαντα ὑπὲρ τῷ τίρπῃ μηχανῶνται vertitur imperitißimè, super summo machinantur omnia. Loquacißimus quisque delassetur, si cuncta persequi velit: adeo de hoc genere multa sunt.

lingua Græca discenda esset, vel quod ornatu verborum, vel quod sententiarum gravitate abundet: quibus certe rebus Latine orationi antestatur. Est enim illud Occumenii omnino verum, suam cuique Linguarum esse formam, ac characterem: græcæ autem proprium esse splendorem, ac venuustatem. (a) Quare nihil mirum si litterarum amatores tam præclarum, tamque honestum studium cordi semper habuerint: illud potius jure mirandum, nonnullos esse, qui illud aspernentur: in

μᾶλλον ἢ καθ' ἑαυτὴν ἀλη-
θεύοντας ἔχομεν τοὺς ἱρμη-
νεῖς ἄξιον μάλιστα ἢ τότε τῶ
λόγῳ τῷ ἱλληνικῷ ἐπιχειρεῖν
διὰ τῆς ἐν αὐτῷ ἡσυχίας
χάριτος, ἢ σεμιότητος, ἀφ'
ἧς ὑπερίχει τὴν λατίνου
τύτου γὰρ ἀληθείας ὁ Φησὶν
Οἰκονόμος, πᾶσιν τοῖς λό-
γοις ἰδίῃς εἶναι, ἢ ἰσάρον ἀπ'
ἄλλων ἀποκρίνοντας χάρι-
κτῆρας, τὸ δὲ τῆς γλῶττης
ἱλληνικῆς ἰδίου εἶναι τὴν
λαμπρότητα. Διότι οὐδ' ἔν
θαυμαστὸν, τίς φιλομέλει
ἀεὶ τῷ καλῷ ὄντι ἢ ἀγαθῷ
παιδείματος ἐπιθυμῶντας
τετυχηκέναι μᾶλλον ἢ τισὶν
δοκεῖ, τινὰς εἶναι τίττε αὐτῷ

ἀμε-

quo, quæcumque possint sui amorem excitare, (b) ea
omnia

(a) Occumenius in II. ad Corinth. I.

(b) Cyril. lib. VII. contra Julian. Atticam linguam, ait, esse
donum Dei non vulgare, imo longe pulcherrimum, & studiosissi-
mum. August. lib. I. Conf. XIII. se rem fatetur, quod puer lin-
guam græcam odisset. Et tamen erunt amusi, quibus vacuum studium
hoc nostrum, & labor videatur?

ἀμελῆτας· ἵτινα καὶ θύεται
τῇ ἑαυτῶν ἐπιθυμίᾳ ἰμβάλλ-
λει καὶ ἱεργεῖν πάντα ταῦτα
ἀφ' ὧς ἵκεν τὸ λόγῳ τῷ
ἑλληνικῷ τὸ δὴ περὶ χρήσιμον·
τὸ τεργεῖν, τὸ καλῶν. Ἐ-
τινες οὖν ἡμῶν μέχρι τῆ νῦν
ἡμῶν παραινῶ, καὶ δίδωμαι,
μὴ τοσούτω θησαυρῷ διὰ τῆς
ἐπιθυμίας ἀποστρεφῆν ἑαυτοὺς
βέλονται.

omnia Insunt abundanter
& copiose. Nihil est enim
Græcâ linguâ utilius, nihil
jucundius, nihil honestius.
Quæ cum ita sint, si qui
forte adhuc minus de lin-
guâ Græcâ laborarint, eos
oro, — atque hortor, ne
tanto sese thesauro in po-
sterum defraudent.

ΤΕΛΟΣ.

Εἰς τὴν ΚΕΡΒΑΡΙ'ΑΙ Τὴν ΛΑΚΕΤΑΝΩ'Ν

Ἐξέτυπώθη παρ' ΕΜΜΑΝΟΥΗΛ ΙΒΑ'ΡΡΑ-
τες τῆς Ἀκαδημίας Τυπογράφου. α. ψ. γ.



*Vidit Blasius Larráz Doctior Theologus & S. J. Humaniorum Lit-
terarum Cernariensis Professor, ex commissione Perillustis
Domini Cancellarii.*

De Quintana, Cancellarius.

CORRIGENDA

- Pag. 25. v. 27. feram — fero.
- Pag. 26. v. 6. partibus — artibus.
- Pag. 35. v. 36. Protector esto: — Protector;
- Pag. 58. v. 1. σῆν — σὺν.
- Pag. 59. v. 9. ἀραζῆται — ἀραζῆται.
- Pag. 59. v. ult. Khzd. — Rhod.
- Pag. 62. v. 26. Dyon — Dion.
- Pag. 64. v. 27. ix — iv.
- Pag. 68. v. 22. LVI. — LIII.

HAG 2023144



